

## Mehoracion den indicadornan di inversion compara cu 2021 tabata empuha pa inflacion



Pagina 2

- **Belastingadviseur deteni relaciona cu sospecha di malversacion y estafa**  
Pagina 12
- **Regulacion di Vacation Rentals: Un acto di balansa**  
Pagina 3
- **Minister di Finanzas: BBO na frontera ta pa crea un 'level playing field'**  
Pagina 4

Seccion hubenil di Aruba a keda na prome lugar den torneo di dam ABC



Pagina 17

Gabinete Hulandes ta limita cooperacion cu Uganda pa motibo di legislacion anti-gay



Pagina 9

Migrantenan Haitiano ta protesta na Ciudad de Mexico pa existi permiso di trabao



Pagina 11



Participa en la  
Encuesta Nacional de Salud:  
**STEPS 2023**

de casa en casa desde marzo hasta junio

*Da un paso por tu salud!*



# Banco Central di Aruba a publica su “State of the Economy” di cuater kwartaal 2022

Ayera Banco Central di Aruba (BCA) a publica su “State of the Economy” pa e di cuater kwartaal di 2022, e publicacion ta contene un resumen y analisis di desaroyonan economico nacional y internacional.

Den 2022, e rendimiento economico real estima a surpasa e nivel pre-pandemico, un aumento di 9,6 por ciento registra den producto domestico bruto (PDB) real a resulta principalmente for di un prestacion solido di turismo. Den 2022, casi tur indicador relaciona na turismo, cu excepcion di duracion promedio di estadia, a muestra mehoracion compara cu e aña anterior.

E cantidad di turista “stay-over” (+36,5 por ciento), suma total di anochi di turista (+33,0 por ciento) y ingreso turistico (+36,6 por ciento) a subi den 2022. Impulsa pa e resultado positivo aki, e tasa di ocupacion hotelero a yega 75,0 por ciento, mientras e averahe di ingreso for di renta di cambernan ho-



telero disponibel a crece te na USD 231,9 na fin di 2022, un subida for di 56,5 por ciento y USD 147,0 na 2021.

E aumento den demanda local pa bienes y servicio a impulsa consumo priva real, cu

alabes a contribui na e expansion di e producto domestico bruto (PDB) real. Mayoria indicadornan di consumo a refleha e desaroyo aki.

Ingreso relaciona na impuesto riba mercancia y BBO y

BAVP y a registra un aumento debi na e actividad economico eleva, como tambe pa motibo di prijsnan mas halto durante 2022. Ademas, data di banconan comercial ta demostra cu credito di consumidor nobo, den cantidad como tambe balor, a crece compara cu 2021. E cantidad total di relacionnan di trabou registra na SVB, tambe a expande, indicando un mehoracion den condicionnan di e mercado laboral, consistente cu e actuacion observa den sector turistico.

Den 2022, indicadornan di inversion a mehora compara cu 2021; sinembargo, mayoria di e aumento tabata empuha pa inflacion. Ambos hipoteca extendi pa vivienda como e importacion di material di construccion a marca e prome subida despues di e pandemia di COVID-19.

Data di e encuesta di percepcion di empresanan ta riba e mesun liña cu e indicadornan di inversion como cu e indice pa inversion di e encuesta a subi di 100,7 den 2021 pa 105,5 den 2022, indicando un sentimiento positivo di negoshi desde e segundo kwartaal di 2021.

Aumento den prijs di utilidadnan y gasolin, cuminda, y vehiculo a causa e subida den e inflacion a base di promedio anual pa 5,5 por ciento na fin di 2022, un aumento for di

0,7 por ciento na fin di 2021. Mientrastanto inflacion a base di promedio anual – excluyendo cuminda y energia – a continua su aumento continuo desde October 2021, yegando 2,2 por ciento na fin di 2022. Transaccionnan internacional a traves di banconan comercial a conduci na un entrada netto di divisas na balor di Afl. 223,4 miyon den 2022. Esaki tabata relaciona na un entrada netto di divisas riba e cuenta coriente impulsa door di actividadnan den e sector turistico. E surplus riba e cuenta coriente a mitiga parcialmente por medio di un salida netto di divisas riba e cuenta capital y financiero, despues di a kita restriccinnan di capital relaciona cu e pandemia.

Durante 2022, data financiero di gobierno a marca un mehoracion significante den e posicion financiero di gobierno, como cu e deficit fiscal a reduci na Afl. 47,5 million, un bahada fuerte compara cu Afl. 494,8 million na 2021. E reduccion aki ta debi na un aumento den ingreso di gobierno y un disminucion den gastonan gubernamental.

E desaroyonan positivo aki ta refleha e actuacion solido economico cu a resulta di e recuperacion persistente di e sector turistico, como tambe na e discontinuidad di programanan di asistencia financiero na individuo y negoshinan relaciona na COVID-19. Data disponibel a muestra cu debe di gobierno a aumenta cu Afl. 62,0 miyon y a yega Afl. 5.717,6 miyon na december 2022 compara cu december 2021. Desde e segundo kwartaal di 2020, e pandemia a causa un subida constante den e debe gubernamental di e kwartaal compara cu e kwartaal anterior. Sinembargo, e continuacion di e recuperacion economico fuerte y e discontinuidad di programanan di asistencia relaciona na COVID-19 a causa un bahada significante den gobierno di Aruba su necesidad pa likides y consecuentemente e necesidad pa prestamo den 2022.

A pesar di e nivel di debe mas halto, aumento economico a trece un caida den e proporcion entre debe y PDB, bahando esaki na 88,3 por ciento, mientras na fin di 2021, esaki tabata 100,9 por ciento.

Tabel 1: Indicadornan di turismo pa Aruba

2022 VS. 2021		
	2021	2022
Turista “stayover”	806.555	1.100.997
Duracion promedio di estadia (den cantidad di anochi)	7,5	7,3
Cantidad total di anochi di turista	6.017.340	8.004.242
Turista crucero	135.953	610.474
Tasa di ocupacion hotelero (%)	56,5	75,0
Tarifa promedio diario pa camber hotelero (den USD)	260,0	309,0
Ingreso for di renta di cambernan hotelero disponibel (den USD)	147,0	231,9
Ingreso turistico pa anochi (den Afl.) *	438,2	449,9
Ingreso turistico * (den Afl. miyon)	2.643,1	3.611,1

Fuente: CBA, ATA, AHATA, APA, CTO, STR  
\*Solamente esnan registra na banconan comercial local, data disponibel ora di skirbi. E data completo y final ta disponibel riba BCA su website. [Quarterly tables publications - Centrale Bank van Aruba \(cbaruba.org\)](https://www.cbaruba.org)

Tabel 2: Balansa di pago (den Afl. miyon)

	2021	2022
<b>Cuenta coriente</b>	<b>83,8</b>	<b>473,2</b>
Bienes	-1.673,4	-2.099,9
Servicio	1.874,0	2.719,4
Entrada primario	-109,7	-160,2
Entrada secundario	-7,0	13,9
<b>Cuenta di capital</b>	<b>29,3</b>	<b>-10,4</b>
<b>Cuenta financiero</b>	<b>777,4</b>	<b>-187,2</b>
Inversion directo	136,7	205,0
Inversion portofolio	-57,4	-312,3
Derivado financiero	59,2	-6,4
Otro inversion	442,6	-61,2
Cuenta exterior	196,3	-19,1
<b>Articulonan no clasifica</b>	<b>-59,0</b>	<b>-52,1</b>
<b>Cambio den reserva internacional (excluyendo diferencia den revaluacion)</b>	<b>831,5</b>	<b>233,4</b>

(Fuente: CBA)



## Regulacion di Vacation Rentals: Un acto di balansa

**Ciudad y regionnan rond henter mundo a adopta un variedad di herment di politica pa regula e mercado di Vacation Home Rentals (VHR). E hermentnan aki di politica ta compaña di efectonan positivo y negativo. E literatura ta identifica tres obhetivo politico principal: alivia e presion di e turismo, proteha e vivienda economico y preserva e bida residencial.**

Segun e estudio di e efectonan economico di VHR na Aruba, por logra e obhetivonan politico aki cu diferente herment politico. Un sistema di licencia y registro y su aplicacion ta condicionnan importante pa un politica eficaz.

Politica regulatorio ta hopi diverso den su enfoque. Debi na e hecho cu e aumento di VHR ta bastante recien, e politicanan no ta na vigor pa hopi tempo ainda y a realisa poco investigacion ariba e efectividad di e diferente politica.

**Prohibicion total**  
Prohibicion total ta implica un prohibicion di VHR na henter e ciudad y region. E efecto positivo di e politica aki ta cu tur e posible impactonan negativo di VHR, manera e aumento di e costo di vivienda y interrupcion di vivienda residencial, ta ser mitiga.

Di otro banda un desbentaha ta cu e impactonan positivo, manera ingreso adicional di turismo, e posibilidad cu e propietario ta genera ingreso adicional y un competencia mas grandi den e sector hotelero en general, tambe ta wordo mitiga.

Otro desbentaha cu e estudio ta señala ta e riesgo di un VHR clandestino sin supervision ni ingresonan fiscal. Esaki ta loke a sucede na Anaheim (Merca) despues di adopta un prohibicion total di VHR na aña 2018. Un aña despues, debi na e creacion di e mercado clandestino, e ciudad a cambia di politica pa un enfoque mas tolerante den cual e VHR existente por opera teniendo nan mes na reglanan estricto y politicanan di bon bisindario. Pa mitiga e crecemento di e mercado di VHR, ainda tabata prohibi pa cuminsa cu VHR nobo bao e politica nobo aki.

**Regulacion di ubicacion**  
E regulacion di ubicacion ta implica un limite of prohibicion di VHR den cierto area of regionnan designa. E politica aki, e estudio ta splica, ta crea e posibilidad di prohibi VHR den areanan unda e efectonan negativo ta comun y permiti VHR den areanan cu por beneficia di su presencia.

Prohibi VHR na cierto regionnan por distribui e VHR di manera mas igual na henter e ciudad of den un region, reduciendo e aumento den prijs di vivienda y efectonan di bisindario sin un reduccion den turismo (ingreso) pa e ciudad of region den su conhunto.

Un posible riesgo di regula VHR den regionnan turistico ta cu e cantidad di turista por bira menos ora cu VHR no ta presente na e areanan aki. Otro posibilidad ta regula VHR den areanan residencial, si e efectonan negativo di e aumento di VHR ta mas comun den e area en cuestion.

E estudio ta indica cu tin diferente restriccion proporcional cu por wordo implementa pa regula e mercado di VHR. Regula e cantidad di VHR por wordo realisa, por ehemplo, permitiendone solamente un propiedad pa doño, un propiedad pa cada adres of implementando restriccion di densidad, un limite den e cantidad di unidadnan di VHR disponible den un area determina.

E restriccion aki ta afecta inversionistanan comercial cu tin mas cu un propiedad di VHR pa huur, sin afecta e doño di un solo unidad di VHR.

Otro posibilidad ta restringi e cantidad di dia/anochi cu por huur un VHR den un periodo determina. Esaki ta haciele menos atractivo pa opera y ta reduci e cantidad di turista. E desbentaha ta cu por huur e VHR ora cu e demanda y e prijs ta mas halto, manera por ehemplo den weekend of durante high season (temporada halto), locual ainda ta hiba na un cantidad halto di turista y efectonan negativo pa e bisindario.

E desorden, multitud y otro efectonan tambe por wordo reduci restringiendo e cantidad di invitadonan, dus limitando e grandura di e gruponan.

ponan.

E restriccion di proporcion ta inclui e restriccion di cierto tipo di alohamento, por ehemplo, priva of cambernan comparti den un cas, camber den vivienda protegi pa gobierno of prohibicion di huur casnan completo. E politica aki ta afecta e inversionistanan comercial cu ta converti un vivienda den VHR.

Otro politica cu ta afecta e inversionistanan comercial ta e exigencia cu e cambernan cu ta disponible pa huur mester ta den un cas cu ta ocupa pa nan doño. Ya cu e doño di e cas mester t'ey na e luga, e impacto negativo den e vecindario, manera desorden, por reduci ya cu e doño por tene e invitadonan directamente responsable. Un barera pa restriccion aki ta e dificultad pa monitor e cumplimiento.

Otro politica cu por reduci e efectonan negativo di bisindario ta rekeri cierto reglanan di cas cu e invitadonan mester sigui, manera norma pa sushi y desorden.

E estudio ta remarca cu prohibi e no residentenan cumpra propiedadnan residencial ta un herment di politica cu no ta afecta directamente e mercado VHR. Sinembargo, den areanan unda cu hopi di e VHR ta propiedad di inversionista stranhero, e politica aki ta conduci na un reduccion di vivienda residencial cumpra pa inversionistanan stranhero y cu ta wordo converti den VHR.

E politica aki no ta afecta e residente- y propietario actual den nan operacionnan di VHR. Pero ta existi e riesgo cu e politica aki por hiba na reduccion di inversion di exterior y di e actividad economico.

E hermentnan di politica cu e ciudad- y regionnan ta usa pa regula e mercado di VHR ta depende di nan obhetivo di politica. E ciudad- y regionnan tin diferente logica pa regula e mercado di VHR. E estudio ta splica cu basa riba un analisis amplio di e problemanan cu diferente ciudad ta enfrente pa loke ta trata e mercado di VHR, e estudio ta identifica tres obhetivo principal di e politica.

Ariba e base di e obhetivonan politico aki, e ciudadnan a

adopta diferente herment politico. Algun herment por ser usa pa diferente obhetivo di politica.

E prome obhetivo ta alivia e presion di turismo. E hermentnan di politica relaciona cu e obhetivo aki ta enfoca den limita e suministro di VHR, cu e meta di reduci e cantidad di turista. Esaki ta inclui introduci un limite of prohibicion den cierto area, por ehemplo areanan turistico.

Si e turismo no ta limita na cierto areanan, un limite di e cantidad di VHR, loke ta resulta den prijsnan mas halto, tambe por ta un forma di reduci e cantidad di turista. E politica mas severo ta prohibi VHR por completo.

E di dos obhetivo di politica ta e proteccion di vivienda economico. Hermentnan pa logra e obhetivo aki den su mayoria ta pretende di limita e comercialisacion di e sector VHR. E hermentnan di politica ta inclui e regulacion di e cantidad di VHR, regulacion di e tipo di alohamento, e ta rekeri cu e cambernan cu ta wordo gehuur ta den un cas ocupa pa e doño y prohibi no residentenan pa cumpra propiedadnan residencial.

E di tres y ultimo obhetivo ta e preservacion di e bida residencial, cu por wordo logra reduciendo efectonan di e bisindario manera desorden, multitud y sushi. E hermentnan di politica relaciona cu e obhetivo aki ta inclui a restriccion di cantidad di invitadonan cu e meta di limita gruponan grandi na lugarnan turistico y areanan residencial.

Molester tambe por ser limita imponiendo reglanan di e cas y exigiendo pa e cambernan cu ta disponible pa huur ta den casnan cu ta ocupa pa e doño di manera cu e doño por dirigi su mes na e invitadonan tocante e comportamiento inapropia.

Den e caso di Aruba, e politicanan pa proteha e vivienda economico ta muestra cu ta esnan mas adecua y su aplicacion efectivo ta rekeri.

E estudio ta indica cu na Aruba e efectonan negativo, resultado di e crecemento di e sector di VHR, ta relaciona principalmente cu e aumento di e prijs di vivienda y comer-

sialisacion di e sector.

Hermentnan di politica destina pa mitiga e efectonan negativo aki ta inclui regula e tipo di alohamento, exigi cu e cambernan cu ta disponible pa huur ta den casnan cu ta ocupa pa nan doño y prohibi cu no residente ta cumpra propiedadnan di vivienda.

E politicanan aki ta afecta principalmente e inversionistanan comercial, no residente, den e mercado di VHR na momento cu ta facilita e propietario di vivienda residencial obtene ingresosnan adicionales.

Mirando cu e sector di VHR na Aruba ta comercialisa, e hermentnan cu ta afecta e inversionistanan comercial por tin un impacto significativo den e sector VHR y por lo tanto mester diseña esaki cu cuidou.

Ya ta existi algun politica. E estudio ta señala cu e ordenansa di permiso di Aruba ta rekeri un permiso di alohamento, tin un maximo di 90 dia pa e vivienda of apartamentonan residencial por wordo usa pa efectonan di VHR y un permiso di alohamento ta permiti solamente menos di 10 invitado.

E estudio ta enfatisa cu ta existi e preocupacion cu e aplicacion di e politicanan aki no ta eficaz. E aplicacion efectivo ta crucial pa un politica eficaz di VHR.

E hermentnan di politica aplica internacionalmente ta dirigi especificamente na mercado di VHR. Stakeholders di Aruba a haci varios propuesta pa mitiga e efectonan negativo di VHR a traves di medidanan cu ta afecta henter e mercado inmobiliario.

E propuestanan aki ta inclui e apoyo na vivienda economico cu e ingresonan di un tarifa di licencia y restriccion na e propiedad stranhero di bienes na Aruba y garantisa cu e inversionistanan stranhero ta paga un parti husto di impuesto na Aruba.





*Segun minister di Finanzas,*

## Cobransa di BBO na frontera ta pa crea un 'level playing field' na Aruba

Dialuna ultimo den oranan di atardi, minister di Finanzas, Xiomara Maduro hunto cu directornan di Departamento di Impuesto, Luenne Gomes-Pietersz y Departamento di Aduana, Ricky Croes tabata un biaha mas den un conferencia di prensa despues cu diahuebs ultimo a brinda informacion riba e introduccion di BBO, pero algun duda y confusion a keda den comunidad.

Por a tuma nota cu desde diahuebs ultimo cu a bin cu e anuncio, tin persona cu tin pregunta y tin tambe confusion y p'esey nan a haya cu ta importante pa "informacion corecto" yega na cada persona.

Diabierna ultimo e concepto di Ley di BBO na frontera a yega parlamento pa su tratamiento, awor ta keda pa parlamento formula e preguntan y manda esaki pa gobierno back.

E mandatario a splica cu BBO na frontera ta habri caminda pa un introduccion di BTW na Aruba y cu gobierno a traha pa 2 aña largo pa Aruba por bay over riba e sistema di BTW manera IMF a conseha pa largo tempo, pero BBO for di su introduccion na 2007 a conoce algun cambio pero e critica semper a bin dilanti den e parti di BBO cu ta acumulativo aunke ta e impuesto di mas simpel den su categoria.

Nan a traha den esaki pero aña pasa na ultimo momento, no a logra trata e Ley di BTW, debi cu a bin un situacion di inflacion halto rond di mun-



do cu a afecta Aruba tambe y politica na Aruba a dicidi cu no por tuma e riesgo pa introduci un cambio fiscal grandi na e momento eyan, ya cu introduccion di BTW lo a trece cune un efecto di inflacion di 5.3% pa 9.9%.

Debi na esaki e BTW no por a tuma luga manera minister Maduro a señala, sin embargo Aruba tin un realidad financiero cu ta exige accion, na unda cu prome cu e pandemia caba, Aruba tabata tin un mega debe y durante di e pandemia Aruba mester a traha un debe cu Hulanda cu ta pone un presion grandi riba e finanzas publico di pais.

E debe di pandemia tabata necesario pa asina Aruba por a surpasa e pandemia, pa yuda pueblo y yuda comercio y awe economia ta draai bon, unda cu a 'bounce forward' y esaki ta debi na e inyeccion grandi di fondonan den economia di Aruba, awo Hulanda ta exige pa Aruba paga e debe.

Gobierno a informa caba cu Hulanda no ta bay duna kwijtschelding y tampoco refi-

nancia e debe na 0%, "nos mester tene cuenta tambe cu e condicionnan pa fia riba mercado mundial. Esaki tur ta pone cu nos tin retonan financiero a termino corto, mediano y largo plazo pa trata cune."

En bista di esaki, gobierno a dicidi pa no laga e trabou riba BTW bay perdi y traha riba locual ta e critica cu a bin dilanti pa asina traha caminda pa BTW por introduci mas dilanti.

Minister Maduro a indica cu gobierno ta tene consideracion cu tur e critica cu a stroba introduccion di BTW y ta atende cu cada un pa asina habri caminda pa introduci BTW den e tempo dilanti, e critica ta trata riba base amplio cu mester cobra un solo tarifa di BTW en bes di tres tarifa, tarifa halto mester ta mas abou cu 14%, mehora cumplimiento cu ley (compliance) prome y atende cu funcionamiento di Departamento di Impuesto paso ta duda cu DIMP por atende cu un sistema mas complica di BTW.

Na e momento eyan for di e mundo comercial mes a bin sugerencia pa tanten, hisa BBO cu 1% y introduci cobranza na frontera pa asina crea un 'level playing field' na Aruba, na unda tur cu ta participa den economia na Aruba ta contribui na caha di Gobierno.

"Esaki ta e motibo di pakico a introduci e BBO na frontera tambe pa por crea e level playing field akinan pa productonan comercial pero tambe pa promove e compliance cu tin mester di cumplimiento."

Mester destaca cu BBO na

frontera tambe tin su efecto di inflacion cu ta premira na 1,4% cual lo ta hopi menos cu 5.3% of 9.9% cu e introduccion di BTW lo a trece cune, tambe pa alivia e peso fiscal ora di importa, a bin cu algun simplificacion den e sistema di invoerrecchten pa crea eficiencia y ta compensa, "tur esaki ta haci pa prepara Aruba pa por bay over na un sistema di BTW cu ta un recomendacion y ayudo di IMF," el a bisa.

A scoge pa sigui cu BBO cu ta un sistema simpel y laga e BBO na frontera traha pa algun aña pa asina comercio, pueblo, DIMP y Aduana custuma cu e cambio aki cu ta mimica e sistema di un BTW cu ta traha cu derecho di restitution di e impuesto cu ta paga na frontera, algo nobo pa Aruba "pero esaki ta antea sala pa bay over na e sistema di BTW pasobra ainda tabatin discusion cu nos tur tabata sa cu un BTW tabata un miho belasting pa Aruba, pero na momento di introduccion nos a mira cu debi na inflacion, nos no a bay door mas cune."

E informacion fiscal ta bay yuda pa haci calculacion nobo pa e sistema di tarifa di e BTW y ta duna espacio pa BTW por introduci sin mucho resistencia.

E simplificacion di e sistema di invoerrecchten di 12 tarifa pa 6 tarifa ta bay brinda eficiencia y algun compensacion cune.

Debi na varios pregunta cu a keda haci, nan a pasa riba algun detayenan na unda minister Maduro a sigura cu gobierno a bin ta traha riba e estabilidad financiero di Aruba den cual a traha no solamente riba entrada pa pais Aruba,

pero tambe a baha gasto di gobernacion, loke segun el a sigura, esey por verifica den e diferente rapportnan local y internacional.

E control cu ta bay haci di pago di BBO na frontera ta bay haci door di departamentu di Aduana, na momento cu e persona ta yena a formulario automatiza di ASYCUDA na momento di indica kico ta bay importa, e sistema mes ta indica cuanto tin cu paga di BBO y e sistema mes ta bay notifica departamento di Impuesto cuanto BBO e persona a paga na frontera. Esey ta nifica cu no mester haci papelnan ni na Aduana ni na departamentu di Impuesto lo cual tampoco ta bay causa gastonan administrativo, manera e mandatario a señala.

Personanan y negoshinan mester paga e BBO, esnan cu ta bestel productonan online na unda na Aruba diferente persona ta trece mercancia pa bende nan riba rednan social como por ehemplo riba Facebook di Vraag & Aanbod unda antes tabata paga solamente invoerrecchten pero awor como persona particular tambe tin cu paga e BBO na frontera "pasobra tur hende ta bay coopera cu caha di gobierno, na largo tempo nos a tende cu no tin level playing field hendenan ta dreña cu mercancia y bende nan riba Vraag & Aanbod, camber na cas of band'i caminda y nan no ta paga nada, companianan estableci si tin cu paga e delaster cos, aworaki nos tur ta contribui na caha di gobierno pa asina nos tur por ricibi e servicicionan cu como persona, comercio of comunidad nos tur kier ricibi for di un gobierno," el a bisa.

Tocante otro dudanan cu a trece dilanti, a sigura cu fruta y berdura ta paga 7% di BBO na frontera pero por deduci for di volumen di benta, productonan pa benta tin derecho di deducion, productonan pa uso di operacion di negoshi por deduci di e ganashi y entrada pasahero cu producto via aeropuerto tin vrijstelling di 400 florin di invoerrecchten y BBO.

Pa preguntanan y/of dudanan e mandatario a laga un number di telefon pa por tuma contacto cune na 592.8200.

conjuntos deportivos





**Editor**  
Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**  
noticia@bondia.com

Pilar Flores (hefe di redaccion)  
Angenette Figueroa (closer editor)  
Leo Maduro  
Andreina Morillo  
Raisa Montilla

**Ehecutivo di Benta**  
sulaika.croes@cspnv.com

Sulaika Croes

**Aviso y Arte**

Sandra Loefstop  
Lisa Tromp

**Departamento Digital**

Juan Luis Pinto

**Administracion**  
accounting@bondia.com

Martha Arteta de Ariza

**Distribucion**

Jenny Kelly

**Coleccion**  
Evelinda de Cuba - Tromp

**Pre Press**  
Luis Fernando Arenas (Hefe)  
Pablo Libre

**Press**  
Roland Schenker (Hefe)  
Omar Ramirez  
Martin Boekhoudt  
Francis Dirks

**Colaboracion**

Associated Press  
Ret Karibense  
Upload Media Aruba

**Afiliacion**  
Sociedad Interamerica  
di Prensa (SIP)

**DIRECCION**  
Adres: Weststraat #22  
Tel: 582-7800  
Email: noticia@bondia.com  
aviso@bondia.com  
info@bondia.com  
Website: www.bondia.com  
Facebook: @bondianoticia  
Instagram: bondiaaruba

**BON DIA ARUBA** ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

## 31 di mei: Dia Internacional Sin Tabaco “Cultiva alimento, no tabaco”



**Tur 31 di mei ta celebra Dia Internacional Sin Tabaco, un dia cu Organizacion Mundial di Salud (OMS) a duna impulso na 1987 cu e obhetivo di informa y conscientisa hende tocante e efectonan dañino y mortal di consumo di tabaco y di exposicion pasivo na e huma di e substancia aki.**

Pa aña 2023 e lema di Organizacion Panamericano di Salud (PAHO) conhuntamente cu OMS ta: “Cultiva alimento, no tabaco.” Den esaki nan ta enfoca riba e daño pa salud di tur hende, tanto pa agricultornan como pa henter e planeta na momento cu ta cultiva tabaco.

Industria tabacalero ta interfe den intento pa substitui e cultivo di tabaco, contribuy-

endo na e crisis alimentario mundial manera nan website ta indica.

Na mundo, tin mas di 124 pais cu ta produci tabaco como cultivo comercial y nan ta destina e actividad ey na un superficie calcula na 3.2 miyon hectar di tera fertil. E tres pais principal productor di blachi di tabaco ta China, Brazil y India. Nan ta concentra mas di 60% di e produccion mundial. Na medida cu e normativanan di e paisnan di ingreso mediano y halto ta bira mas dificil, e companianan tabacalero ta dirigi cada biaha mas na paisnan Africano pa aumenta nan produccion di blachi di tabaco.

Ta p’esey cu ta purba di desconseha hende pa consumi tabaco di tur forma, y di igual manera evidencia

e practicanan comercial di companianan tabacalero pa stimula e consumo di tabaco y publica e actividadnan di OMS den e lucha contra consumo di tabaco.

Cada dia consumo di tabaco ta mata aproximadamente 6 miyon persona, un cifra cu ta premira por aumenta hasta mas di 8 miyon pa aña 2030 si e medidanan pa evita esaki no ta implementa. Manera ta conoci, su uso ta perhudicial pa tur hende causando malesa, morto y ta pone e famianan mas pover igualmente cu nan economia nacional debi na gastonan di salud publico.

Ademas, e cultivo di tabaco ta usa cantidadnan grandi di plaguicida y fertilisante toxico cu ta contamina awa y ta causa deforestacion y segura.

Ta hopi motibo pa cual hende mester stop di huma, pero sin duda esun di mas poderoso ta e salud di e mesun hendenan. Den esaki, ta causa malesa di cancer, causando dañonan grandi na pulmonnan y tambe ta influi den aparicion di tumornan na boca, riñon, pancreas, entre otro organo. Tin estudionan cu ta demostra cu humamento ta un factor cu ta provoca e riesgo mayor di sufrimento di leukemia y cancer di stoma, di mama, di higra y utero.

Humamento ta aumenta e ritmo di curason y presion arterial, loke tambe ta aumento e riesgo di haya un malesa

coronario. Tambe ta causa bronkitis cronico y e sintomanan den sistema respiratorio, loke ta nifica e malesa pulmonar mas destructivo.

Tanto pa hende muhe como pa hende homber humamento por disminui nan capacidad fertil y den hende homber por causa erectile dysfunction. E djentenan ta bira geel y por provoca malesanan di djente, tambe ta acelera envehecimiento di cuero y lashinan ta cuminsa aparece den e cara.

Pa hende muhe cu ta gusta huma, nan tin e riesgo mayor di presenta aborto y complicacion den embarazo y parto. E yiunan di mama humado ta nace cu menos peso, loke ta asocia na un riesgo mayor di fayecimento y malesanan di e baby durante periodo di bebe lechi di pecho y su prome infancia.

Tambe ta importante pa destaca cu productonan nobo y informacion falso ta menasa di tira afo decadanan di lucha contra tabaco. Mediante un publicacion riba su website, Organizacion Panamericano di Salud (PAHO) ta informa cu e porcentahe di poblacion cu ta consumi tabaco na America a reduci di 28% pa 16,3% entre 2000 y 2020; productornan novedoso y informacion falso di industria tabacalero dirigi specialmente riba e hobennan ta reduci e logronan cu e promocion di “VAPER” na unda a sigura cu ocho pais den region a prohibi su uso y comercialisacion. Nan ta preocupa cu den 14 pais te ainda no a tuma ni un tipo di accion tocante esaki.

Pa enfrenta e menasa aki, director di PAHO doctor Jarbas Barbosa ta considera fundamental pa paisnan pone den marcha politicanan pa evita su consumo, principalmente entre hobennan, ya cu esey por nifica e porta pa consumo di tabaco.

Na aña 202 sur America a bira e prome sub-region 100 liber di huma di tabaco, kermen na unda ta existi un prohibicion total di huma na luganan publico y luganan di trabao cera, ademas di transporte publico. Como resultado, 63% di e poblacion di America, loke ta nifica mas di 600 miyon persona, awor ta protegi di exposicion na huma di tabaco.





*Minister Dangui Oduber*

## E proyecto di digitalisacion di e sistema di permiso di horeca ta avansando

**Minister di Turismo y Salud Publico sr. Dangui Oduber ta informa pueblo riba e proyecto di digitalisacion cu ta avansando. Ya caba pa algun tempo trabounan ta andando den e proyecto di digitalisacion y automatizacion cu lo bay mehora e servicio y eficiencia di e "Horeca vergunning" cu Ministerio di Turismo y Salud Publico ta procesa.**



E proyecto aki ta den cuadro di e eliminacion di e conocido "red tape" y burocracia cu ta existi pa asina brinda un mihor servicio y trece transparencia na e clientenan di Gobierno. E "Horeca vergunningnan" cu lo bay wordo digitalisa ta: Hotel, logement, koffiehuis, restaurant, bierhuis, slijtvergunning, societeitvergunning, ijsvergunning y grossiersvergunning.

E proceso di "Horeca vergunning" ta wordo checuta door di cuatro departamento cu ta Directie Wetgeving en

Juridische Zaken (DWJZ), Dienst Warenkeuring en Hygiene (DWH), Korps Politie Aruba (KPA) y Korps Brandweer Aruba (KBA). Es decir cu e proceso aki ta cay bou di Ministerio di Turismo y Salud Publico y Ministerio di Husticia y Asuntonan Social.

E mandatario a señala cu prome cu otorga un permiso, mester tene na cuenta cu tin 4 control pa tuma lugar. Na prome e control di DWJZ cu ta controla cu tur papel ta na ordo y complete manera ley

ta stipula, consecuentemente control di e 3 departamentonan (DWH, KBA y KPA) mester tuma lugar cu un advies positivo pa asina por procesa e permiso y otorga esaki. E ta conta pa tur e permisonan ya menciona.

Ya pa algun tempo caba Ministerio a indentifica cu tin espacio pa adapta y mehora e proceso aki. Pa logra esaki ta bay haci uzo di innovacion y tecnologia pa bay den digitalisacion y automatiza henter e proceso por medio



di un plataforma. E lo bira asina cu na momento cu un persona of un compania haci un peticion y te na e momento cu e permiso wordo otorga lo keda digitalisa. Minister Oduber ta convenci cu na momento cu e proyecto aki keda cla, e trabounan lo bay na un manera mas eficiente caminda ta bay brinda un mihor servicio na e clientenan di Gobierno. Tur hende lo bay sinti y nota e cambio grandi aki por

medio di innovacion y tecnologia cu e proyecto aki lo trece cune. Esaki sigur ta un stap den e rumbo cu henter Gobierno ta bayendo, haciendo uzo di innovacion y tecnologia pa sigui innova e servicionan di Gobierno.

Finalmente Minister Oduber kier gradici tur e departamentonan cu ta involvi den e proyecto di digitalisacion di e horeca vergunning, sigui cu e bon trabou!

## Minister Endy Croes a firma un acuerdo entre e 4 paisnan di Reino Hulandes

**Dialuna ultimo, Minister di Enseñansa y Deporte Sr. Endy Croes a reuni cu directora di Departamento di Enseñansa Aruba (DEA), Sra. Anne Marie Proveyer y Coordinerend beleidsmedewerker Caribisch Gebied di Ministerie van Onderwijs, Cultuur en Wetenschap di Holanda, Sra. Mabel van Houten.**

E motibo di e encuentro aki ta pa firma e Slotconclusie cu



a haci dia 20 di april ultimo entre e cuater (4) Ministernan di Enseñansa di Reino Hulandes, esta Minister di Enseñansa di Aruba Sr. Endy Croes, Minister di Enseñansa di Curaçao Sr. Sithree van Heydoorn, Minister di Enseñansa di Sint Maarten Sr. Rodolphe Samuel y Minister di Enseñansa di Hulanda Sr. Robbert Dijkgraaf. Ta trata di diferente palabracion cu a haci riba nivel di Vierlandenoverleg, entre otro, Studiesucces cu ta trata di un beca pa fomenta intercambio di estudiante dentro di Reino Hulandes.

Ademas di esaki, a trata e Doorlichting Rapport cu

Sra. Proveyer. Di 24 te cu 31 di mei tin un delegacion di Hulanda cu tambe ta reuniendo cu departamentonan di Gobierno y tur esnan cu ta trek e Doorlichting Rapport. Sra. Proveyer a duna Minister Endy Croes informacion di tur palabracion cu a haci durante e reunionnan cu delegacion di Hulanda. Pa finalisa, Minister Endy Croes a expresa cu e tabata un reunion extenso, unda cu a trata temanan na nivel di Vierlandenoverleg.

Dentro di algun luna e cuater (4) Ministernan di Enseñansa di Reino Hulandes lo bolbe reuni pa trata temanan di interes comun.





**Cuminsando cu 4 florin, bo por gana e suma grandi aki**

**Afl. 150.000,-**

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



## A logra reduci e 200 sintoma di Long COVID pa solamente 12 sintoma

(IFLScience)—Despues di hopi aña cu a purba identifica kico exactamente ta Long COVID, un estudio nobo a reduci su lista largo di sintomanan sospechoso te na solamente un tiki mas cu dies. Prome tabatin mas di 200 sintoma cu ta considera relaciona cu e condicion misterioso cu ta keda, pero awor nan a defini claramente cu e 12 sintomanan mas comun y consistente.

Desde cu COVID-19 a bira un crisis di salud mundial, a informa tocante efectonan cronico y di duracion largo despues di tin e infeccion. Sintomanan manera nubiamiento di cabes, cansancio, y perdida di holo, tabata varia for di relativamente no comun te serio y incapacitante. E unico criterio pa identificacion di Long COVID tabata e persistencia di sintomanan continuo, sintomanan cu ta bay y bin, of aparicion di sintoma nobo despues di 30 of mas dia despues di infeccion. Cientificonan a cuestiona si



ta un condicion so cu ta causa e problemanan aki, of si ta un rango di condicionnan despues di COVID-19 cu ta wordo agrupa hunto, manera hopi enfermedadnan neurological.

Esaki ta wordo ehemplifica pa e hecho cu Long COVID tin un lista extensivo di sintomanan reporta—Organisacion Mundial di Salubridad (OMS) ta bisa cu mas di 200 diferente problema di salud a

wordo asocia cu e condicion. Si un sistema di diagnostica mester wordo poni na uzo, investigadonan mester tin un comprendemento mas claro di kico exactamente ta Long COVID.

Pa haci esaki, un colaboracion di investigadonan for di Merca a tuma data di pashent for di un grupo di casi 10.000 persona, caminda 8.646 di nan tabatin COVID-19 antes y un grupo di control di 1,118

no tabatin. For di esey, nan a haci encuesta na cada persona y a traha un lista di e sintomanan mas reporta y a duna cada un di nan un cifra segun nan relacion cu COVID-19.

E resultadonan a resalta 12 di e sintomanan mas prolifico relaciona cu Long COVID, di cual algun ya caba ta conoci.

Na prome luga, cu e cifra mas halto posibel di ocho, ta e perdida di holo of smaak, un sintoma caracteristico di COVID-19 pa motibo di su capacidad no usual pa afecta celnan di nervio. Despues di esey, “post-exertional malaise” (sintimento di cansancio despues di esfuerso fisico of mental) ta segunda, y tos cronico ta tercera—nota cu tin un diferencia grandi di calificacion entre segundo y tercera, loke ta indica cu e dos sintomanan aki ta mas comun y probablemente mas relaciona cu COVID-19 compara cu e resto. Investigadonan a identifica lo siguiente sintoma:

Sintoma (cifra):

Holo/smaak (8)  
post-exertional malaise (7)  
Tos cronico (4)  
Nubiamiento di cabes (3)  
Sed (3)  
Batimento di curason (2)  
Dolor di pecho (2)  
Cansancio (1)  
Deseo of capacidad sexual (1)  
Mareo (1)  
Problema gastrointestinal (1)  
Movimiento abnormal (1)  
Perdida di cabey (0)

E estudio tin algun limitacion, manera tur estudio di e tipo aki tin. E data tabata basa riba rapportnan di e mes personanan, loke por causa inexactitud, y e grupo di pashent a wordo selecciona for di un estudio separa, cual por a wordo influencia e proceso di seleccion. Pero asina mes, e resultadonan ta parece di ta coincide cu sintomanan comun anteriormente reporta pa investigadonan di Long COVID.

E estudio a wordo publica den JAMA.

## Cientificonan ta optimista cu extracto di planta barata tambe por trata osteoartritis

(NLTimes)—Investigadonan na Nijmegen ta optimista cu e extracto di planta colchicine, un remedi antiguo pa pia, tambe por yuda hende osteoartritis. Usuarionan di colchicine cu a participa den estudio a muestra un reduccion di 30% den e necesidad pa operacion pa reemplasa rudia y heup, y e meditacion ta barata, sigur y facil pa uza, segun cientificonan di Radboudumc, e centro medico universitario na Nijmegen, y Sint Maartenskliniek.



nan cu tin artritis ta depende awor di remedi pa dolor, y algun articulacion afecta por wordo reemplasa pa medio di operacion.

Colchicine a wordo usa prome pa trata inflamacion causa pa e malesa di “gout” al menos desde e prome siglo, y algun investigado ta kere cu

esaki a wordo usa prome cu 1500 A.C. tambe. Varios aña pasa, e profesor di cardiologia di Radboudumc, Jan Hein Cornel, y su coleganan a bin cu e idea cu e remedi por traha contra enfermedadnan cardiovascular caminda inflamacion tambe ta hunga un papel.

“Inflamacion ta hunga un papel importante den e condicionnan ey tambe. Y nos tabatin rason: Nos estudio a muestra cu colchicine a reduci e riesgo di un atake di curason, angioplastia, bypass of stroki cu 30%,” Cornel a bisa. A conduci e estudio ey den un colaboracion cu Calin Popa, un reumatologo na Sint Maartenskliniek, cu a hipotetisa cu e medicamento tambe por trata hendenan cu osteoartritis.

Nan a analisa e data existente den un estudio y a descubri e conexion entre uzo di colchicine y alivio pa pashent cu osteoartritis. Nan a publica e resultadonan diamars den e revista *Annals of Internal Medicine*, Radboudumc a anuncia.

“Den e grupo trata cu colchicine, e cantidad di pashent cu a ricibi un rudia of heup nobo tabata mas cu 30% abou compara cu e grupo placebo. Pasobra cu esaki ta un remedi antiguo, nos sa cu e ta sigur,” Michelle Heijman a bisa, investigado na e Sint Maartenskliniek cu a yuda den e estudio.

Como remedi, colchicine a prueba di ta sigur pa milenio, y dokter por prescribi esaki caba pa esnan cu e malesa

di gout. Si esaki ser aproba como un tratamiento pa osteoartritis, esaki lo rekeri cu pashentnan lo mester tuma un pildo so pa dia, na un costo barata pa aña, investigadonan a splica. Popa a bisa cu e ta kere cu esaki ta mehora calidad di bida mientras cu e ta retrasa of elimina e necesidad pa operacion, y tambe reduci costo di cuidio medico. Mirando cu e prome estudio tabata diseña pa analisa e efecto di e droga den pashentnan cu problema cardiovascular, mester di un otro estudio pa confirma e resultadonan pa pashent cu osteoartritis. Popa y Cornel tin e intencion pa continua cu nan trabou.

“Si nos por confirma cu colchicine en berdad ta traha, esaki lo un hopi bon noticia,” Popa a enfatisa.

Osteoartritis ta un forma comun di artritis cu ta afecta 1.5 miyon hende na Hulanda. Esnan cu ta sufri di artritis tin dolor pasobra e cartilago di articulacion ta gasta. Hende-



*Corsou:*

## ADECK ta splica SER su ambicionnan y plannan pa futuro pa cu sector di empresanan chikito y mediano

Diabierna, dia 26 di mei ultimo, **Konseho Sosial-Ekonómico (SER)**, representa pa su **Director/Secretario General** y su **conseheronan**, a ricibi hunta di **directiva temporal** y e **grupo di trabou di Adeck**, e **asociacion** cu ta sali na interes di **empresanan chikito y mediano na Corsou**. Durante e **encuentro** aki e **hunta di directiva temporal** a splica su **ambicionnan y plannan pa futuro**, den cua a enfoca **riba e balor y necesidad di un asociacion di interes pa empresanan chikito y mediano na Corsou**.

E **encuentro** entre e **asesor**nan di **SER** y di **Adeck** a tuma **luga** den un ambiente

constructivo y habri caminda ambos partido a haya oportunidad amplio pa compartinan visionnan y puntonan di bista. E **hunta di directiva temporal** di Adeck a enfatisa cu e lo sigui enkamina un **proceso** pa fortalece empresanan chikito y mediano na Corsou y a suprayá e importancia di un grupo di interes fuerte y moderno cu ta representa bos di empresarionan chikito y mediano y defende nan interesnan cerca **Gobierno** y cerca otro instancianan y organonan relevante di pais.

SER a demostra interes grandi den e **plannan** di Adeck y a reconoce e papel crucial ku empresanan chikito y mediano tin den **economia** di e isla. Empresanan micro, chikito y



mediano ta weso di **lomba** di nos **economia**. Por lo tanto nan ta desempeña un papel vital den **creacion** di empleo, fomenta **innovacion** y contribui di e forma ey na un **crecimiento economico** sos-

tenibel." Partidonan a acorda cu otro e importancia di un **cooperacion estrecho** pa por atende di forma diligente y constructivo cu e retonan y oportunidadnan di empresanan chikito y mediano asina

ey crea un ambiente empresarial faborabel pa Corsou.

Durante e **reunion** tambe a discuti riba diferente tema, manera entre otro **promocion** di e **espíritu empresarial**, mehora acceso di e tipo di empresanan aki na **financiamiento**, mehora **competitividad** y **promove sostenibilidad** di operacionnan empresarial. Tambe a identifica **medidan** concreto con sigui reforsa **posicion** di empresanan chikito y mediano.

Ambos organo ta dicidido di sigui contribui positivamente na **desaroyo** y **adelanto economico** di Corsou y na **realisacion** di un ambiente empresarial faborabel y sano.

*Corsou:*

## Australia ta haci yamado na Corsou pa combati e operacionnan ilegal di wega di placa

(CuraçaoChronicle) - E **Gobierno di Australia** a expresa **preocupacion** tocante **licencianan master** otorga na Corsou y **proveedornan** di **weganan di placa onkine** cu ta **evadi** e **legislacion** di Australia.

Apesar di e **peticion** di Australian Communication & Media Authority (CMA) pa para e **actividadnan** aki, e **companianan** involucra a ig-

nora e **yamado**. Pa causa di esaki, e **regulador** di Australia ta buscando manera di pidi **intervencion** di **gobierno** di Corsou.

Den un carta dirigi na **Minister di Finanzas Javier Sylvania**, ACMA a provee un lista di e **companianan** di Corsou cu ta traha den **weganan di placa** y ta den violacion di e **ley**nan Australiano. E **companianan** aki ta opera **casinonan online** bao "sublicencia"

otorga pa **gobierno** id Corsou sin **supervision** apropiada di nan **actividadnan**. Ademas, e **boetnan** cu impone riba e **operadornan** aki hopi biaha no ta ser paga, pa motibo cu nan ta **sconde** tras **oficinanan** di **confiansa** cu ta solamente **actua** como **administrador** riba papel.

**Minister Sylvania** ta trahando **activamente** riba un **ordenansa nacional** cu tin e meta di **regula** e sector di **weganan**



di **placa** pa un **tempo** caba. Sinembargo te ainda no ta cla si e **iniciativa** aki lo **efectivamente** adresa e **problema** di **actividad ilegal**. Durante e **ultimo decanan**, miles di **sublicencia** a keda otorga,

cu un **cantidad** **significante** bayendo na **organizacionnan criminal**. E **organizacionnan** aki ta **explota** e **casino online** pa asina laba **placa** obteni cu **actividadnan** **ilicito** incluyendo **trafico** di **droga**.

*Corsou:*

## Parlamentario di Corsou ta pusha proposicion pa blokia matrimonio di mesun sexo

CuraçaoChronicle) - **rasoleño Trabou pa Kor-Rennox Calmes**, e **lider** di e **partido politico** Cu-

**rasoleño Trabou pa Kor-Rennox Calmes**, e **lider** di e **partido politico** Cu-

**trimonio di mesun sexo na Corsou**.

E **nivel** di **sosten** pa Calmes su **proposicion** te ainda no ta cla. Si e **proposicion** **exitosamente** sigui **dilanti** via e **varios conseho**, e lo rekeri un **mayoria** di dos **tercer den** e **21 asiento** di e **parlamento** Curasoleño pa bira ley.

December ultimo, **decision** di corte a **declara** e **exclusion** di **matrimonio** di **mesun sexo** como un **violacion** di **ley**nan anti **discriminacion** y **regulacionnan** **constitucional** na Corsou. Den su **respuesta**, **gobierno** a crea un **apelacion**



den **casacion** e **mesun luna**. **Gabinete** di Corsou ta **mantene** cu no tin **obligacion** **legal**, ni **nacional** ni **internacional** pa **permiti** e **matrimonio** **tradicional** di **parehanan** di **mesun sexo**. Bao e **codigo civil** actual di

Corsou, **matrimonio** ta **defini** como un **union** **unicamente** entre un **homer** y **muhe**. Sinembargo, corte a **declara** cu e **provision** aki ta den **violacion** di e **principionan** di **igualdad** y **falta** di **discriminacion** manera ta **stipula** den e **constitucion** di Corsou.

Calmes ta **argumenta** cu e tipo di **topico** aki **significante** no mester ta **determina** solamente pa e **hudiciario**, **sugiriendo** cu e **hues** ta **sobrepasando** su **rol** den **parlamento**. Tambe el a **argumenta** cu e **poblacion** di Corsou nunca a **expresa** cu ta **acepta** e **matrimonio** di **mesun sexo**.



**Ministro** encarga cu **Turismo y Salubridad** ta **anuncia** cu **entrante 01 juni 2023** durante **14 dia** lo tin **oportunidad** pa un y tur **tuma** **conocemento** na **Departamento di Legislacion y Asunto Huridico**, **Schotlandstraat 53**, di un **peticion** cu a ser **haci** pa **obtene** un **slijtvergunning** pa e **parcela** na **Isaac Wagemakerstraat 73**. E **permiso** aki ta **concerni** e.o. **benta** di **bebida** **sterki** y **zwak** por **detal** y pa **consumi** **unicamente** otro **caminda** cu **den** e **percel**a. **Den** e **periodo** aki tur **hende** por **expresa** por **escrito** nan **desacuerdo** contra **dunamento** di e **permiso** **menciona**, **dirigi** na e **Ministro** **encarga** cu **Turismo y Salubridad** via **intermediacion** di **Director** di **Departamento di Legislacion y Asunto Huridico**, **Schotlandstraat 53**.



## Gabinete Hulandes ta limita cooperacion cu Uganda pa motibo di legislacion anti-gay

(NLTimes)—Hulanda ta bay limita su cooperacion cu Uganda pasobra cu e presidente di e pais Africano a aproba legislacion anti-gay cual ta controversial. Dialuna, Presidente Ugandes, Yoweri Museveni, a aproba un ley cu ta considera un di e mas stricto contra hendenan LGBTI den mundo.

Esaki a causa critica fuerte for di gobiernonan occidental, companianan internacional y organisacionnan di dere-

chonan humano. Segun e ley, pashent di HIV por encarga castigo di morto si nan tene relacion sexual cu un persona di mesun sexo.

“Ta teribel cu Uganda definitivamente ta opta pa legislacion extremo anti-LGBTIQ+,” Minister di Comercio Exterior y Cooperacion di Desaroyo, Liesje Schreinemacher, a bisa dialuna. Gobierno Hulandes ta continua di “apoya activamente” e proteccion di comunidad LG-BTI den e pais ey.



El a anuncia cu gobierno ta bay para su sosten pa programanan di aplicacion di ley.

Mas cu 25 milyon euro tabata plania pa e cooperacion cu ta bay ser interumpi den e añan-

an binidero. E legislacion anti-gay por afecta tambe otro programanan di cooperacion cu Uganda. Minister Schreinemacher ta bay tuma un decision riba esaki na un fecha posterior.

Minister di Asuntonan Exterior, Wopke Hoekstra, a bisa via Twitter cu e tabata “profundamente desapunta” cu e situacion. “Hulanda ta defende derechonan humano pa tur hende y ta pidi Uganda fuertemente pa haci mescos.”

## Menasa di terrorismo di yihadista y extremistanan derechista ta aumenta na Hulanda

(NLTimes)—Menasa di atake terorista na Hulanda a crece den e ultimo seis luna, segun Coordinado Nacional pa Contraterorismo y Siguridad (NCTV). Den e evaluacion di menasa mas recien, e coordinado a bisa cu e ta mira “señalnan creciendo” cu organisacionnan yihadista ta preparando atakenan terorista na Europa. Tambe el a referi na menasa for di extremistanan derechista.

Hulanda hopi tempo ta wordo mira “como un obhetivo legitimo pa un atake” y ultimamente a a ser considera “ainda mas” despues di un incidente recien unda un copia di e Quran a wordo destrui como protesta. Sinembargo, nivel oficial di menasa terror-



ista ta keda mesun, na nivel tres pa “significante”.

Lider di Pegida, Edwin Wagenveld, a sali den noticia e ultimo lunanan pasobra el a kibra e Quran, e buki santo pa musulmannan. Ofensanan manera esaki ta pone Hulanda “riba radar” di rednan yihadista na Siria, Afghanistan y Turkia. Como resultado, Hulanda a wordo menciona

den material di propaganda terorista. Esaki no semper ta conduci na mas atakenan, pero si ta contribui na un mayor menasa terorista den plaso cortico, segun NCTV.

E menasa contra obhetivonan Hulandes den paisnan unda gruponan terorista relaciona cu ISIS ainda ta activo, ta mas grandi cu den Hulanda mes. Plannan cu a wordo descubri

for di februari di aña aki a indica e posibilidad di un atake contra varios luga, incluyendo e consulado Hulandes na Istanbul. Probablemente a prepara esaki como represalia pa e destruccion di Quran. Den Hulanda mes, e movimiento yihadista ta fragmenta ideologicamente, segun NCTV, y ta calcula cu nan tamaño ta yegando na 500 persona.

Tambe tin un menasa for di extremistanan derechista, segun NCTV. E movimiento aki a bira mas impredecibel tanto na Hulanda como den otro paisnan Europeo. NCTV ainda a bisa cu ta “preocupante” cu e mundo online cu ta envolver teroristanan derechista tambe tin siguidonan Hulandes. Hende cu ta sigui e filosofia aki, mayoria biaha

hobennan masculino, “por hoga den contenido rabioso aña tras aña, te cu un incidente isola ta provoca nan pa comete violencia concreto.”

Incidentalmente, hendenan for di e ambiente aki ainda no a comete un atake na Hulanda, a pesar cu a detene mas extremistanan derechista cu a cuminsa radicalisa na Hulanda y den otro paisnan Europeo. Esaki no semper ta un indicacion di mas actividad terorista, pero “principalmente ta nifica cu servicionan di siguridad tin un bista mehora riba e menasa di tanto tempo.”

NCTV ta kere cu e desaroyonan ainda ta den cuadro cu e nivel di menasa tres, cual ta nifica “un atake na Hulanda ta posibel.”

## Schiphol ta haci poco pa proteha su empleadonan contra emisionnan di avion

(NLTimes)—Schiphol no ta proteha su personal suficientemente contra exposicion na emisionnan dañino di avion. Esaki ta e conclusion di e Inspectie di Labor Hulandes, cual tambe a bisa cu e plannan di aeropuerto pa minimalisa exposicion ta insuficiente. E deficiencianan ta sali den un decision preliminar di e Inspectie di Labor. Schiphol por expresa su opinionnan awor prome cu regulando tuma un decision final.

Inspectie di Labor a urgi Schiphol pa y usa “ekipahe di trabou adecua” pa laga su personal traha mas sigur. E

grado y duracion di exposicion tambe mester reduci. Esaki por logra, por ehempel, por medio di usa “taxi bots” pa move avionnan den aeropuerto, pa nan no emiti nada durante e proceso di taxi.

Schiphol tin e plan pa haci esaki pa 2030. Sinembargo, segun Inspectorat di Labor, no tin detaye di e medida aki den un plan di accion. Tambe ta falta e especificacion di con Schiphol ta bay reduci e substancianan dañino cu su personal ta expone na nan. E plan di accion “no ta indica den cual periodo ta bay tuma tal medidanan,” a bisa Inspectorat. E regulador a duna Schiphol



te na fin di aña aki pa sigui desaroya su plan di accion. Loke ta trata emisionnan di avion, aeropuerto mester tin “un plan completo” pa na fin di 2024 lo mas tarda.

Schiphol a yama e decision preliminar di Inspectie “un spiel cu no por ignora.” CEO Ruud Sondag a bisa: “Ta cla

cu condicionnan di trabou na Schiphol mester mehora. Esaki ta un prioridad tambe den e rumbo nobo cu nos a mara. Empleadonan mester tin un luga di trabou saludabel. Sigur a haci mehoracionnan den e añanan, naturalmente, pero mester bay mas lihe cu esey y mas miho.” Aeropuerto a bisa cu ya nan

ta purbando di reduci exposicion na emisionnan dañino. Por ehempel, Schiphol ta poniendo avionnan taxi cu menos motor. Tambe ta tumando medidanan pa aumenta distancia entre fuente di emisionnan y empleadonan. Schiphol ta investigando tambe con pa mehora calidad di aire.

Esaki no ta prome biaha cu e Inspectie di Labor ta investiga condicionnan di trabou na Schiphol. Na maart, e regulador a pidi seis compania di manejo di maleta na aeropuerto pa cuminsa usa hermentnan pa evita cu empleadonan mester carga tanto peso riba nan mes.



## Fiscalia a haci un inspeccion na dependencia di palacio presidencial Colombiano

(EFE) - Fiscalia Colombiano a haci un inspeccion ayera diamars den un dependencia di e Casa di Nariño, sede di Ehecutivo, como parti di investigacion di un supuesto hortamento di placa na cas di Laura Sarabia, hefe di gabinete di Gustavo Petro y e presunto abuso di poder, mediante uso di poligraaf, den un interrogatorio.

“E diligencia cu ta bay realisa awe 30 di mei tin e obhetivo di recauda informacion y realisa un labor di verificacion pa establece existencia di camaranan di seguridad pa drenta na edificio Galan, na unda supuestamente ta ubica e sala di poligraaf,” Fiscalia a bisa den un comunicado.

E investigacion ta relaciona cu denunciacion di Marellys Meza, ken a traha como babysitter na cas di Sarabia y a bisa cu nan a interrog’e na dependencia di palacio presidencial como sospechoso di e supuesto hortamento di un tas cu un suma di placa no conoci.

Segun Meza a revela, un bes



Sarabia a ripara di e hortamento, miembronan di seguridad presidencial a hib’e na un edificio ubica dilanti di Casa de Nariño pa interrog’e y tambe a keda sometí na pruebanan di poligraaf sin un orden hudicial, loke a ocasiona un polemica na e pais.

Diadomingo ultimo, Casa

de Nariño a informa “cu e supuesto hortamento a tuma luga na januari di 2023 y dia 29 di e mesun luna a haci e denuncia penal na autoridadnan competente.”

“Nos ta rechasa e version tocante supuesto abuso di poder, mal uso di recursonan publico y maltrato na perso-

nanan indefenso,” Gobierno a señala den un comunicado, den cual a agrega cu “e proceduranan” den cual e ex-babysitter a keda sometí “a efectua den dependencia identifica di Jefatura pa Proteccion Presidencial, visibel, debidamente identifica y dispuesto den e mesun ubicacion for di basta

aña caba.”

Sinembargo, fiscal general di Colombia Francisco Barbosa, cu ta enfrente cu Petro, a destaca cu “e unico entidad cu por adelanta procesonan investigativo tocante delitonan ta Fiscalia General di Nacion.”

E comunicado di Fiscalia di ayera ta bisa cu Petro “falta di bisa e berdad” di loke a realisa ta un inval y a sigura cu “e diligencia hudicial cu ta bay adelanta ta un inspeccion solicita pa un fiscal di Direccion Specialisa contra Violacion na Derechonan Humano.”

Ademas, a inspecciona Jefatura di Proteccion di Presidencia pa asina haya sa e lista di personanan cu entre januari cu februari di e aña aki a haci parti di skema di seguridad y transporte asigna na Sarabia, considera como e man drechi di Petro.

E documento a conclui cu e inspeccion ta un competencia di fiscalnan pa “e desaroyo normal di investigacion, na tempo cu ta garantisa e derechonan fundamental di esnan cu por keda afecta cu e diligencia.”

### Panama:

## A multiplica cu 8 biaha e cantidad di mucha menor di edad cu ta crusa e selva di Darien nan so

(EFE) - Unicef a bati alarma ayera diamars indicando cu a multiplica cu 8 biaha e cifra di muchanan menor di edad cu ta crusa e selva di Darien nan so for di januari te cu april ultimo, compara cu e mesun periodo di aña 2022, alcansando e record “di mas di 25.000.”

E muchanan y hobennan aki a yega canando na comunidadnan cu ta duna refugio y stacionnan temporal di recepcion migratorio situa na provincia Panameño di Darien, na unda miles di migrante cu ta biaha pa Nort America ta ricibi asistencia di salud y alimentacion.

“Muchanan cu ta sobreviví di e transito di selva di Darien ta rekeri intervencion pa salba nan bida como atencion medico, acceso na awa potabel, saneamento y kit di higiena, recuperacion psicoemocional y servicionan di proteccion, specialmente, pa esnan cu a sufri di violencia of cu ta biaha nan so,” ONU

a resalta.

Unicef a agrega cu “danki na recursonan di Gobierno di Merca y di Agencia Humanitario y Proteccion Civil di Union Europeo, cu ta apoya Estado Panameño cu provision di servicionan pa e poblacion migrante y di comunidadnan local cu a haya impacto di migracion.”

E organizacion di Nacionnan Uni a pidi na “sociedad y Estado uni nan esfuerso pa sigura cu tur mucha, independientemente di nan origen of situacion migratorio, por crece den un ambiente sigur, cu acceso na enseñansa di calidad, atencion di salud adecua y tur oportunidad necesario pa logra nan potencial pleno.” America ta bibando un crisis migratorio sin precedente, cu miles di nacional di paisnan di sur di continente biahando di manera iregular pa Merca, un fluho cu ta alimenta ademas pa migrantenan iregular procedente di tur parti di mundo.

E situacion aki ta expresa cu mas di 157.000 persona



a crusa e selva peligroso di Darien e aña aki so. Esaki ta e frontera entre Colombia y Panama y ademas entrada pa Centro America for di sur.

Esaki ta un cifra superior na 109.293 di esnan cu a haci mesun cos entre 2010 y 2019 y casi cinco biaha mas cu 33.819 di e prome cinco luna

di e aña aki.

E mayoria di e biaheronan aki ta bin for di Venezuela, Ecuador y Haiti, aunke tambe tin personanan di otro paisnan incluyendo esnan di Africa, Asia y Europeo. Ta trata di famianan henter cu ta sigura cu nan ta huy di hamber of violencia y cu nan ta kere cu

na Merca nan lo tin e oportunidad di haya un miho bida. Miles di migrante ta na ciudadnan Mexicano frontera cu Merca, cu e luna aki a cambia su politica di migracion den un intento di stop e creciente fluho migratorio di personanan cu ta busca asilo na e pais aki.



*Venezuela:*

## Oposicion ta adverti di un strategia hudicial di Maduro pa impedi eleccion primario

(ElNacional) - Oposicion di Venezuela a denuncia cu e gobierno di Nicolas Maduro ta preparando un strategia hudicial pa impedi e realisacion di e eleccion primario, den cual su adversarionan politico lo eligi un candidato unitario pa e eleccion presidencial di 2024.

“Nos ta alerta Venezuela cu Nicolas Maduro, uzando un personahe scur manera Luis Ratti, a anuncia e interseccion dilanti e Tribunal Supremo di Husticia di un recurso contra e eleccion primario di e forsan

democratico,” e Unidad a informa ariba Twitter.

Segun e coalicion, e interseccion ta sucede e luna aki mes.

E Unidad a recorda cu Ratti a presidi e Frente Nacional Bolivariano Hugo Chavez na aña 2016. Y cu tambe el a postula manera candidato den e procesonan electoral di aña 2015, 2018, 2020 y 2021.

“For di e Plataforma Unitaria nosta ratificanos compromiso cu e eleccion primario y nos respaldo na e trabao cu e Comision Nacional de

Primaria ta realisando,” e Unidad democratico a bisa.

E eleccion primario a sufri atakenan cu ta bin for di e chavismo desde e anuncio di su proceso.

E mesun Nicolas Maduro ta acusa e candidatonan di pidi sancion y di causa e crisis economico na Venezuela.

Mientras cu Diosdado Cabello, prome vice presidente di e Partido Socialista Unido de Venezuela, ta afirma cu e eleccion interno no ta bay tuma luga pasobra finalmente ta bay defini e



candidato unitario a traves di un consenso, lagando como figuranan principal e ex candidato presidencial Henrique Capriles

Radonski, cu actualmente no por cherce carganan publico, y e gobernador Zuliano, Manuel Rosales.

*Haiti:*

## Migrantenan Haitiano ta protesta na Ciudad de Mexico pa exigí permiso di trabao

(DiarioLibre) - Un grupo di migrante Haitiano, cu atrobe ta drumiendo den un campamento provisional riba caya, a marcha dialuna na e capital Mexicano pa exigí permiso di trabao y instalacionnan cu ta permiti nan biba den condicionnan digno.

Un binti tanto Haitiano, mayoria hende homber, a manifesta desde e plaza Giordano Bruno, na e colonia (barrio) Juarez, unda cu un grupo grandi ta drumi riba caya for di algun luna caba.

E escasez di representacion, e organisadonan a alega, ta debi



na, cu si nan tur bandona e plaza, nan tin miedo cu e autoridadnan lo kita e campamento, ademas cu e autoridadnan apenas a destina dos

agente di trafico pa garantisnan seguridad durante e marcha.

“Hopi ruman Hiatinao ta

malo na e campamento, e situacion ta dificil y no tin acercamento di ningun di e tres nivelnan di Gobierno,” Wilner Metelus, presidente di e Comité Ciudadano en Defensa de los Naturalizados y Afroamericanos (CCD-NAM), a expone.

“Hopi di nan tin hopi dia sin come, sin awa pa baña y nan kier keda na Mexico, nan no por drenta Merca,” el a agrega.

E estadia na Mexico, pa e mayoria di e Haitianonan tin solamente un sentido: traha y spaar placa pa inicia un bida nobo of trece nan famia na e

pais.

A pesar cu e plaza Giordano Bruno a wordo desaloha pa e autoridadnan cerca di dos luna pasa y e migrantenan a wordo traslada pa un campamento gubernamental na e alcaldia di Tlahuac, pero e ciere di esaki a bolbe converti e plaza den un campamento di migrantenan Haitiano.

Haitiano ta e nacionalidad cu mas solicitud di asilo a presenta durante e aña aki na Comas, cerca di 18.860, pero e ONG a denuncia na EFE cu apenas nan ta resolve positivamente e 5% di e casonan.

*Venezuela:*

## Ta pidi Tarek William Saab investiga supuesto fraude electoral den UCV

(ElNacional) - E profesor Miguel Oswaldo Grillo, ex miembro di e Comision Electoral di e Universidad Central di Venezuela, UCV, a introduci dialuna ultimo un recurso na e Ministerio Publico pa solicita na e Fiscal Tarek William Saab pa cuminsa cu un investigacion pa un supuesto fraude den e eleccionnan suspendi na e scol ey.

Un reportahe publica pa Tal Cual ta indica cu Grillo ta spera cu por determina ken ta esnan responsabel di e mentira aki cu a burla e ciudadanonan cu tabatin e intencion

di participa den e eleccionnan aki.

E profesor, segun e medio di comunicacion, a afirma cu e mesanan electoral a wordo instala cu un retraso di hasta cuater ora pa finalmente suspende e eleccion. “Sin ningun motibo y sin ningun splicacion na e comunidad universitario.”

El a señala cu e Reglamento di e Ley di Eleccion universitario ta establece cu tur e mesanan electoral mester ta cla y cu tur e material necesario pa 7or di mainta cu e obhetivo cu pa 8or di mainta e eleccion por cuminsa cu normalidad.



“Mester resalta cu e Universidad Central di Venezuela ta constitui pa 11 facultad y 52 scol y cu e facultad di Agro-nomia y Veterinario, ubica

na e estado Aragua, no a suspende e proceso y a hib’e te final felizmente, cu un participacion hopi halto,” el a alega.

E comision electoral, den prome instancia, a informa despues di merdia di dia 26 di mei cu e material electoral a muha pa motibo cu a warda esaki den un luga cu faya di infraestructura y cu ademas tabatin un siman sin servicio di internet.

“E tabata un decision dificil despues di tanto luna di preparacion y trabao. Si, algo a pasa. P’esey nos a dicidi cu e miho opcion tabata suspende y reprograma e proceso pa duna e garantia electoral cu tur tin mester,” el a comu-nica.





## American Eagle cu nan gran apertura na Renaissance Mall, Aruba:

### Cumpra y Spaar!

**Grupo David Enterprises a yama bon bini na Aruba, e marca di moda iconico "American Eagle" na comienso di e aña aki. Na honor di e evento aki, nan ta entusiasma pa celebra e gran apertura di nan sucursal nobo na Aruba, cual ta situa na Renaissance Mall. E evento hopi anticipa lo tuma luga dia 1 di juni 2023, y ta promete un experiencia di compra increibel pa pioneronan y esnan entusiasma cu moda.**

Cu su compromiso pa brinda cliente productonan di calidad halto y di ultimo modelo, American Eagle a bira un nomber renombra den industria di moda. E apertura di nan sucursal nobo na Aruba ta un testimonio di e expansion global di e marca y e dedicacion pa ofrece e tendecianan di moda mas actual na e clientela rond di mundo.

Pa celebra e momento special aki, American Eagle ta ofrece un oferta exclusivo na tur cliente. Durante e gran apertura, clientenan lo goza di un descuento fantastico di 30% riba tur cos den e tienda. Pero esey no ta tur! E prome 20 clientenan cu yega na e tienda lo ricibi un regalo adicional. American Eagle lo reparti tas di jeans gratis, un accesorio unico pa tur persona entusiasma cu e mundo di moda. Clientenan por selecta nan adaptacion durante e evento y ricibi nan tas personalisa instantaneamente.

"Nos ta hopi contento pa trese e excelente ofertanan di moda di American Eagle pa e comunidad di Aruba," asina Osman Farouk Osman, Gerente di Pais Aruba/Curaçao, Grupo David a bisa. "Nos tienda nobo na Renaissance Mall ta representa nos compromiso pa brinda clientenan cu un experiencia di compra inolvidabel, productonan di calidad halto, y un servicio di cliente excelente."

E gran apertura lo ta un celebracion di estilo y moda, mustrandó e ultimo coleccion di American Eagle. For di jeans moderno, t-shirt grafico, pa e sweater agradabel y accesorionan, clientenan lo tin un seleccion extensivo di productonan di moda pa scohe for di nan.

"Nos ta invita henter pueblo di Aruba pa participa na e gran apertura y haci uzo di e descuentonan increibel," Sr. Osman a bisa. "Nos ekipo dinamico y amistoso lo ta a pa yuda tur e clientenana pa haya nan outfit y accesorio preferi!"

Tocante American Eagle: American Eagle ta un lider global den benta di paña y accesorionan ofreciendo paña di calidad halto, actual y accesibel, accesorionan, y productonan pa cuida personal. Ademas nos ta enfoca riba inclusion y sostenibilidad, American Eagle ta purba inspira clientenan pa expresa nan estilo unico y sinti sigur di nan como persona.

## Accion di Afpakteam relaciona cu investigacion di malversacion y estafa

**Afpakteam di Aruba a tene un accion ayera mainta den Caya Frère Johannes, caminda a detene un sospechoso relaciona cu un investigacion di malversacion y estafa. E sospecho ta cu e sospechoso aki a malversa sumanan di placa di mas cu 2,4 milyon florin, cu el a ricibi di clientenan pa entrega na Belastingdienst.**

Durante e huiszoeking a tuma placa cash, joyas, administracion y computer den beslag. E investigacion no ta cla ainda.

Informacion den medionan

di comunicacion local a identifica e sospechoso como un belastingadviseur di inicial S. d. C.

Manera conoci, Afpakteam ta un cooperacion di OM, Polis, Aduana, Fiot (Fiscale inlichtingen- en opsporingsteam, Marechaussee, Kustwacht, Meldpunt ongebruikelijke transacties (Meldpunt) y RST. Afpakteam ta bringa crimen financiero economico y ta activo na Aruba desde 2017.

Pa tips y señalnan di labamento di placa por contacta Afpakteam via tiplijn (11141).



## Polis a keda yama pa e conocido Budin causando problema te hasta stroba ambulance




**Dialuna mainta a drenta informe di cu e conocido Budin lo ta causando problema patras di D.V.G., mesora a dirigi un patruya na e sitio.**

Na yegada di e patruya nan a ser avisa pa e personal di salubridad cu ya Budin a bay y te hasta el a stroba ambulance

di hiba un pacient cu urgencia pa hospital.

Polis a busca Budin y a hala su atencion atrobe. Den pueblo ta ser papia cu mester bini cu un cambio den e sistema pa asina pone curatela pa su mesun bienestar. Algo mester ser haci promer cu ta laat.

## Palo di luz na candela banda di Drive-In



**Den oranan di anochi a drenta informe di cu tin un palo di luz ta saca chispa y ta pegando na candela, mesora a avisa Elmar di esaki.**

Un rato despues e personal a presenta y a inicia cu e trabaonan di reparacion y reemplazo di e palo di luz.



## Biblioteca Nacional Aruba ta introduci 'Bonaire, een koloniale zoutgeschiedenis' den nan coleccion Caribiana



Directora di Biblioteca Nacional Aruba, Sra. Astrid Britten, a ricibi un ehemplar di e buki 'Bonaire, een koloniale zoutgeschiedenis', un produccion di Sr. Bòi Antoin & Cees Luckhardt. E buki ta bira parti di e coleccion Caribiana y pronto biblioteca ta busca mas pa e circulacion. E buki ta trata e historia di esclavitud na Boneiro y e historia di produccion di salu. Boi Antoin ta bon conoci cerca nos pa su trabou riba diferente tereno na

Boneiro y durante ultimo Festival di Buki pa Mucha Boi Antoin a bishita diferente scol na Aruba.

Pa su trabou riba tereno di historia, cultura y naturalesa Sr. Boi Antoin a keda condecora cu un 'Zilveren anjer'. Ademas e ta 'Ridder in de orde van Oranje' y Sr. Antoin a ricibi mas premio e.o. 'Siudadano di Honor', Exda Award, Club Union Boneriano, Tapushi Literario (Arte di Palabra), Chapi di Lucha. Un extracto di su buki: Het eiland Bonaire is nu

formeel een Nederlandse gemeente, maar was eeuwenlang een Nederlandse kolonie. De geschiedenis van het eiland is nauw verbonden geweest met de geschiedenis van de slavenhandel en wel om een hele specifieke reden: zout. Bijna elk schip dat naar Afrika en/of het Caribisch gebied vertrok, had enkele tonnen zout aan boord voor het drogen en/of conserveren van voedsel. Zonder zout was er geen scheepvaart mogelijk en dus ook geen Transatlantische handel in mensen. Het zout op Bonaire werd geproduceerd in zoutpannen. Tijdens de periode van slavernij werden tot slaaf gemaakte Afrikanen gedwongen om daar te werken. Dit boek bevat een systematische beschrijving vanaf de periode van de verovering van het eiland door Europeanen tot en met het einde van slavernij. Het bevat een overweldigende hoeveelheid informatie over de ontwikkeling van Bonaire en de geschiedenis van zout en de rol die het eiland speelde in de Nederlandse slavernijgeschiedenis.



## In Memoriam: Eddy Tromp

Eduardo Tromp, conoci na Biblioteca Nacional Aruba como Eddy of EddyTec a nace dia 6 di augustus di aña 1942. Na aña 1960 Eddy ta cuminsa traha na Radio Kelkboom, e tempo ey situa na Emmastraat. Na aña 1972 Eddy ta dreña servicio di Gobierno na Departamento di Cultura y Educacion. Na aña 1986 Aruba ta haya su Status Aparte y Eddy ta bin traha na Biblioteca Nacional Aruba.

Coleganan di Biblioteca Na-



cional Aruba ta recorda Eddy como un persona respetuoso, semper den bon humor y cu hopi conocimiento musical. Eddy tin un pasion pa musica, principalmente musica cu ta forma parti di nos herencia cultural. Eddy semper tabata para cla pa yuda comunidad. Na aña 2002 Eddy a baha cu

pensioen.

Eddy su aporte na nos herencia cultural tabata hopi grandi:

- Co-creador di e programa "Butishi di Alegria", transmiti na Radio Kelkboom pa 40 aña largo. Grabacionnan tabata tuma luga na Biblioteca Nacional Aruba;
- Pionero den pone zonido entre otro pa festivalnan di Voz-i-landia, OTI, Dande, Calypso y Road March, Tumberito y sin lubida Bon Bini Festival;
- Pionero di DJ & Sound den su "Van" esaki ta-

bata conoci como EddyTec;

- Creador di concepto y grabacion pa "Concierto di Siglo" un programa di Biblioteca Nacional Aruba;
- Contribucion, specialmente na fundacionnan "non-profit", parokianan, caminda di cruz organisa pa Atan Lee sr. d.f.m., centronan di bario y tambe gruponan carnavalesco di mucha. Eddy su contribucion na musica folklorico y cultura tabata remarcabel. El a ricibi condecoracion Real tambe pa su aporte na esaki. Eddy a traha hunto y a colabora cu hopi di

e baluartenan di Aruba, entre otro Maybelline Arends-Croes, Diana Antonette, Jubi Naar, Ito Tromp, Emile Kelkboom, Martha Figueroa, Betico Croes d.f.m., Atan Lee d.f.m., Valentino "Vale" Croes d.f.m.

Eddy a forma un pilar importante den comunidad di Aruba, y a haci un diferencia specialmente riba tereno musical y cultural. El a documenta musica y a percura pa asina nos herencia cultural ta salvaguardia. Eddy e persona clave pa sea graba musica of pa pone zonido.

## Segundo edicion di e curso di Hydroponics a finalisa exitosamente

Ariba diabierna 26 di Mei pasado, a finalisa e di dos edicion di e curso "Pa hobby di experto". E proyecto aki, organisa pa DLVV Santa Rosa y Hydroponics Technologies Aruba (HTA), tin como meta di siña participantenan den un manera simpel e tecnica di hydroponics. Aki nos ta trata di haci uso di mas tanto material local cu ta posibel.

Door di busca tanto produc-



tor local posibel, Santa Rosa ta traha na un grupo nobo den sector agricola. E grupo aki di cultivadornan innovativo ta bay haci cu e produccion local di berdura y fruta

lo crece. E concepto di Santa Rosa ta consisti di e nocion di mas productornan chikito tin, mas hopi tur por aporta un gran parti na mercado local.



Cu mas di 70 persona cu a sigui e curso, e concepto aki ta bay tuma forma despacha pero sigur. Ainda lo tin 2 cursonan mas pa e aña aki, ademas di tayernan cu ta bay

wordo anuncia via e pagina di Facebook di Santa Rosa y Hydroponics Technologies Aruba. "Pa hobby di experto" y Hunto nos ta fuerte.



Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

## OPINION



*Skirbi pa desoyador, Alberto Perret-Gentil*

### Elimina 'overdrachtsbelasting' pa residentenan di Aruba di 18 te 35 aña pa stimula vivienda pagabel

**Aunke e BBO di 7 % na frontera proponi ta parce un bon medida pa nivela e mercado pa e proveedornan local versus e importacionnan directo, no tin duda cu e prijs di cas lo subi entre 3 % y 4 %. Suponiendo cu 50 % di e costo di construccion ta bin di material y ekipo importa, y e otro 50 % ta di costo di labor, un calculo rapido ta muestra cu e aumento di e prijs di cas, ta rond di 3.5 % = 7 % x 50 %, mas o menos.**

E impuesto na frontera lo agrega na e otro factornan cu ya a contribui na aumento di e prijs di cas den e ultimo tres añanan, manera costo di construccion causa pa Covid-19, e aumento di BBO, "invoerrechten" halto, falta di

un plan integral pa vivienda pagabel, Airbnbs, scarsedad di vivienda, procedura burocratico, y rekisitonan mas estricto pa desaroya un tereno, entre otro.

Medida economico duro manera e aumento di impuesto cu ta bay implementa durante 2023 ta exige un "safety-net" pa esnan menos privilegia.

Bou di e escenario actual di un BBO na frontera, un opcion pa suavisa e efecto riba e prijsnan di vivienda causa pa e BBO na frontera lo por ta elimina 'Overdrachtsbelasting' pa residentenan di Aruba di 18 te 35 aña cu ta cumpra vivienda pa prome bes; manera nan ta haci na Hulanda caminda e cumpradonan di nan prome vivienda residencial por beneficia di un

excepcion di e 'overdrachtsbelasting' riba propiedad na un balor averahe di AWG 450,000. Esaki lo compensa e impacto di e prijs di vivienda causa pa e 7% BBO na frontera pa e segmento specifico di e comunidad di Aruba.

Si un persona cumpra un propiedad comercial, un cas pa vacacion of un propiedad pa 'verhuur', of e cas no ta su vivienda permanente, e mester paga e "overdrachtsbelasting" actual di 3% pa 6% di e balor. Tambe, si e persona dicidi di muda, e lo mester paga e impuesto riba su di dos propiedad residencial. Esaki ta trece un peso enorme riba personanan di edad hoben cu kier yega na nan propio cas. Escasez di vivienda ta un problema serio na Aruba. Si gobierno reduci e costo pa e cumpradonan pa prome bes

mientras cu nan ta mantene e impuesto pa inversionista, gobierno por nivela e mercado pa esnan cu ta cumpra pa prome bes. Simultaneamente, otronan cu ta inverti den propiedad si lo paga e tarifa di impuesto mas halto.

Hopi biaha e inversionista y e cumprado pa di prome bes ta competi pa propiedad cu ta den e mes rango di prijs di cual esaki no ta un posicion husto pa e local cu kier yega na su propio cas. Ta importante pa gobierno tin un plan pa alivia y yuda e principiantenan pa bira propietario di nan cas.

Ideal ta si gobierno warda te 2024 pa implementa un sistema riba balor agrega – (BTW) – bon pensa y prueba, hunto cu un revision di



e impuestonan di importacion. Mester evita di trata di e asunto pura mesclando diferente sistema cu no ta compatible sin conoce realmente con nan ta afecta inflacion y crecimiento. Manera e dicho ta bisa 'sopi pura ta salo', y nos comunidad ni comercio no mester wordo afecta.

E economia di Aruba ya ta riba e caminda di mehoracion. Entradanan a aumenta mas cu a presupuesta. No ta necesario pa pura pa implementa mas impuesto. Mester recauda impuesto di sector comercio informal manera Minister Geoffrey Wever ta propone. Crecemento sostenibel ta keda e miho opcion.

## ATIA: Mester papia cla tocante BBO na frontera

**ATIA a tuma nota cu Gobernantenan ta keda bisa algun declaracion cu nos tin cu aclaria de inmediato paso esakinan no ta berdad!**

### ATIA ta PRO un sistema di BTW

Den mas cu un ocasion sea ta den entrevista of den articulo ATIA vocifera cu e ta PRO un sistema di BTW, y nos ta PRO un sistema indirecto pa hopi aña caba. ATIA tin posicion cual ta documenta desde 2017 caba unda cu nos ta purba aboga pa un sistema indirecto. Un sistema di BTW pa Aruba mester ta uno simpel, cu 1 tarifa cu un base amplio cu menos excepcion posibel. ATIA no tawata di acuerdo e sistema cu Gobierno a presenta paso e no tawata simpel, tabatin dos tarifa (6 y 18% cu a cambia despues pa 6 y 14%), e base no tawata amplio,

y tawata tin tur excepcion mescos cu BBO. No unicamente e anterior, pero tambe e sistema lo ta uno cu lo tin su efecto nan inflatorio pa nos economia, specialmente aña pasa ora inflacion mundialmente tawata halto.

### Pa un solucion temporal, ATIA no ta contra BBO na frontera

ATIA a vocifera den pasado cu e ley di BBO na frontera ta uno aceptabel solamente pa un temporada transitorio te ora bin cu e ley di BTW. Y si kier hasi'e como un "hybrid: pa cuminsa custumbra pa introduccion di un sistema di BTW, pakico no haci e BBO na frontera mescos cu BTW unda tur producto importa ta haya e derecho pa haya un "input credit" y no solamente pa handelsgoederen. Manera nos por a lesa den e ley, Go-

bierno a introduci "handelsgoederen" den ley den e manera mas limita posibel y no e definicion amplio. Manera nos a vocifera den nos ultimo press conference, esaki lo bay tin consecuencia cu prijs nan lo subi SIGUR!

### ATIA a warda basta luna pa haya un reunion cu DIMP

Atrobe, esaki no ta completamente corecto. Si ta corecto cu ATIA tawata tin un reunion di 3 ora cu DIMP ariba 29 maart 2023. Nos a haya e reunion despues casi 2 luna cu nos a purba haya contacto cu Directora di DIMP pa reuni ariba e efectonan di e cambio di ley di BBO per 1 januari 2023. Nos a haya e contacto cu Minister y Directora di DIMP despues cu nos a bay den media pa haci entrevista pa por haya nan atencion. Den e reunion aki, Directora di DIMP na final, pues ultimo 10 minuut, a muestra ATIA algun informacion di e cambio nan den e ley cual primordialmente a para keto na e definicion di "Handelsgoederen" cu a cambia completamente despues di nos reunion pa un definicion menos amplio cu ta limita oportunidad cu compania por haya credito pa e BBO paga na frontera.

### Conclusion

En conclusion, ki dia nos tur ta bay cuminsa papia cla? Nos tur ta biba

riba e baranca aki, un no por sin e otro. Nos tur ta forma parti di economia di Aruba, y nos tur tin nos parti ta hunga den Sociedad. Mester stop di punta dede y papia e berdad y papia cla. Na mesa ta yega na otro, no den media!

Awo unico cos cu ta keda ta cu nos lo keda cu speransa cu Parlamento lo haci nan huiswerk corectamente y no bay aproba un ley sin sinta cu stakeholders pa por haya un analisis di e efectonan cu realmente comercio y comunidad lo sinti. Nos mester keda stimula comercio pa asina engrandece nos economia, locual lo garantisas mas empleo, mas placa den caha di Gobierno y un miho futuro pa tur ciudadano di nos dushi isla Aruba.

### ATIA

Aruba Trade and Industry Association (ATIA) a wordo funda na aña 1945 y ta e organisacion principal cu ta representa empresanan, empresarioman y comercio na Aruba. E meta di ATIA ta pa defende, promove y proteha e interesnan di su miembronan y comercio di Aruba en general. Pa mas informacion por bishita [www.atiaruba.org](http://www.atiaruba.org) y nos rednan social [www.facebook.com/arubatrade](https://www.facebook.com/arubatrade), [www.instagram.com/atiaruba](https://www.instagram.com/atiaruba), y <https://www.linkedin.com/company/aruba-trade-and-industry-association>





# Aruba Bank ta clausura e di 17 Walk & Run sumamente exitoso cu presentacion di Youth Extreme

**Diahuebs, 29 mei, 2023—Aruba Bank a inicia su gran evento di “walk and run” mas grandi di nos isla, Aruba Bank Walk & Run 2023, dialuna 22 di mei. Un evento cu a registra 2,500 participante pa e 4 dianan di evento den diferente distrito rond di nos isla.**



Un masa di persona a yega Joe Laveist Sport Park ariba e prome dia di careda y a disfruta di dushi ambiente pa e participante cu a topa cu otro y cana

5.6km hunto. E evento a sigui dia 23 di mei na Aruba Bank Hato Branch unda cu por a mira un multitud di persona para banda di caminda ta apoya e participantenan. E tercer dia a tuma lugar na Paradera, e area di Aruba Bank su Drive-Thru Center y a culmina dia 25 di mei na Aruba Bank su sucursal na Camacuri. E participantenan cu a logra cana 4 dia a acumula mas di 20 kilometer durante e 4 dianan, un meta sigur.

Un evento yen di ambiente y energia positivo ta loke a experiencia ariba tur cuatro dia. E ultimo dia a clausura e evento cu broche di oro cu cu presentacion di Youth Extreme y premiacion di atletanan cu a destaca. Aruba Bank y Subway a felicita tur ganador y a gradici tur presente pa nan participacion y haci di Aruba Bank Walk & Run uno exitoso. Tambe ta gradici IBiSA pa nan sosten prome y durante e evento, Cuerpo policial pa e guia, Rode Kruis, Harley Motor Unit, Pa-

trishi Sports y boluntarionan pa yuda haci e evento aki un otro exito.

Ganadornan a clasifica por medio di conteo di e tempo total di tur dia pa asina saca e miho. Despues di e dia final, Aruba Bank y Subway a haci entrega di premionan na e participantenan cu tabatin e miho tempo di tur 4 dia. E resultado di e Aruba Bank Walk & Run 2023 ta como lo siguiente:



## Top 5 ganador masculino:

Jethro Saint-Fleur  
 Alexander Hodge  
 Kelvin Gama Gonzalez  
 Ricardo Scholten  
 Christiaan Jansen

## Top 5 ganador femenino:

1. Rebecca Jansen  
 2. Jackie Toussaint  
 3. Tatiana Villa  
 4. Sharlaine Hart  
 5. Yessaray Jill Jean Lopez

## Top 3 teams:

1. Viperstrong  
 2. Train Hard Race Easy  
 3. 2Fast4Usports

## Top 3 Male individual:

Categoria u-20: 1. Wyndel Beyde, 2. Jayderick Geerman, 3. Zair Croes, 4. Richard Sotelo, 5. Gregory Wernet  
 Categoria 20 – 24: 1. Franzino Farro,

2. Jedric Ras, 3. Jason Farro, 4. Jean Pier Garcia, 5. Joshua Piña

Categoria 25 – 29: 1. Tristan Vermeulen, 2. Brian Aartman, 3. Shawn Tromp, 4. Steven Geerman, 5. Antonio Barreto

Categoria 30 – 34: 1. Luis Kock, 2. Paul Evers, 3. Kevin Regales, 4. Nigel Maduro, 5. Germian Zijlstra

Categoria 35 – 39: 1. Jesus Galea, 2. Jurrien Erasmus, 3. Peter Veen, 4. John Maduro, 5. Dayron Solognier

Categoria 40 – 44: 1. Rigoberto V/D Linde, 2. Alrric Kock, 3. Junior Erasmus, 4. Lennart De Bie, 5. Michael Maduro

Categoria 45 – 49: 1. Omar Maldonado, 2. Machiel Smid, 3. Sandro Waterloo, 4. Ezekiel Bryson, 5. Revelino Mariano Giel

Categoria 50 – 54: 1. Giovanni Nicolaas, 2. Richard Krosendijk, 3. Junior Semerel, 4. Edgar Flanegin, 5. Oscar Brete

Categoria 55 – 59: 1. Richard Vries, 2. Dennis Conradus, 3. Ernest Perez, 4. Tony Werleman, 5. Dolfi Werleman  
 Categoria 60+: 1. Sigried Godoy, 2. Albertino Maduro, 3. Eugene Martis, 4. Luis Anselmo Lacle, 5. Han Arendsen

## Top 3 Female individual:

Categoria u-20: 1. Madison Williams, 2. Giovanna Wernet, 3. Mackenzie Williams, 4. Vashty Lispier, 5. Zailha Lanoy

Categoria 20 – 24: 1. Zxavierra Hoek, 2. Sandy Croes, 3. Diana Tromp, 4. Sue-Donna Rombley, 5. Zugeska Arendsz

Categoria 25 – 29: 1. Mirlaine de Cuba, 2. Zoë Baglin, 3. Orianna Ras, 4. Josrine Saladin, 5. Wilyenie Croes

Categoria 30 – 34: 1. Allison Meyer, 2. Zachary Croes, 3. Laura Restrepo, 4. Rachelle Henriquez, 5. Annemarie Tromp

Categoria 35 – 39: 1. Ilien Lopez, 2. Mary Fernanda, 3. Zahaira Marin, 4. Jo-Anne Kock, 5. Tineke Lenters  
 Categoria 40 – 44: 1. Mayren Heeringa, 2. Karin Den Ouden, 3. Annemarie Beerepoot, 4. Jaclyn De Kort, 5. Sheryl Stolk

Categoria 45 – 49: 1. Vanessa Harms, 2. Gerial Carbiere, 3. Karina Delaney, 4. Leonides Geerman, 5. Saskia Dirks

Categoria 50 – 54: 1. Filomena Paesch, 2. Vivian Angela, 3. Patricia Vergara, 4. Gladys Maduro, 5. Adines Koopmans

Categoria 55 – 59: 1. Esther Colina, 2. Angelique Rodriguez, 3. Lucille Kock, 4. Regina Giel, 5. Jacky Luidens

Categoria 60+: 1. Digna Geerman, 2. Luz Amparo Mantilla, 3. Elizabeth Mansur, 4. Lourdes Figaroa, 5. Julia Alcazar

Sigur un pabien tambe na tur participante cu a scohe pa cana tur 4 dia y reta nan mes pa "Be A Better You".



## Amabilidad di e comunidad Arubano ta haci nan vulnerabel na estafanan online

**(RetKaribense) - Pa motibo cu Arubanonan ta mas probabel di yuda otronan y ta comparti informacion cu otronan riba rednan social, nan ta conoci pa nan amabilidad online y esaki ta facilita cu nan por cay den estafa segun Paul eelens, ken ta experto di siguridad cibernetico y di informacion.**

Tabatin un ola di estafadornan activo den e prome kwartal online. Tur e triki nan aki di estafa online casi nunca ta den e idioma nativo, pues Papiamento. Pero si ta asina, segun Eelens, hedenan lo cay pa esaki mesora pa motibo cu e ta “algo den cual nos ta pone nos confiansa.”

Accion di gana y regalo falso a circulando rond, unda ta priminti un gran cantidad di cosnan den forma di un torneo cu lo tin un premio fantastico of servicio di wega di placa online. E criminalnan cibernetico ta usa perfilnan falso pa por ehecuta e estafa, hopi biaha como cerbesnan local, companianan di importacion, supermercado y te hasta fotografonan.

E fundacion Arubano Lotto pa Deporte varios biaha mester a aclaria online cu tin un estafador di extranhero cu ta activo bao di un perfil falso. E conoci Zyon Yanez, yiu di Ivo Yanez ken a cay victima di un hacker aña pasa, tambe a informa su siguidornan riba rednan social tocante un perfil falso bao su nomber cu tambe tabatin actividad di estafa partiendo regala.

Criminalnan cibernetico ta abusa di e confiansa, curiosidad, miedo y ignorancia di hende. Esaki ta haci causa cu e persona ta sinti presion social of emocional pa haci algo of duna informacion priva manera por ehempel e avisanan di posibel virus riba bo computer segun loke Eelens a splica.

E comunidad Arubano ta vulnerabel pa motibo cu ya tin e custumber di participa den quiz of hunga weganan riba rednan social. Hopi biaha nan no ta realiza cu via e weganan of quizznan aki nan ta revelando informacion priva. Tambe ora di sigui comparti esakinan cu famianan

y amigonan, e estafa ta sigui core. “E idea cu nos ta mas safe pa motibo cu nos ta biba riba un isla ta incorrecto. Esaki ta aumenta e chens cu hende ta cay pa cierto estafanan.”

Tambe Aruba ta sigui e moda global ora ta trata di incidentenan cibernetico, sin embargo e cantidad di notificacion di e atakenan cibernetico no ta cla pa motibo cu tin falta di dato. Gran parti di e investigacionnan cu a ehecuta ta dirigi riba siguridad di instancianan financiero y esakinan no ta publico. “Esey ta den desaroyo y hunto cu e importacion di e ley di Reino di consenso AVG, esaki por mehora,” Eelens a expresa.

E comunidad Arubano mester ta mas consciente di e peligrosnan cu tin online, pa asina nan por adapta nan actividad online na esaki segun loke Eelens a conseha. “Pa mayoria di e gruponan vulnerabel mester tin mas conscientisacion. Den pasado a yega di duna workshop pa personanan 60+ cual a haya hopi interes.”

Ta importante pa e conscien-



tisacion no keda solamente den companianan sino pueblo tambe tocante e peligrosnan di atakenan cibernetico. “Cerca instancianan grandi hende ta pensa cu e atakenan

cibernetico ta un problema di e departamento di IT. Pero hopi biaha mester mira esaki como un problema di henter e organisacion,” segun Eelens.

## Microsoft ta apela apelacion di blokeo di Reino Uni pa cu adkision di Activision



**(CNET) - Despues di a ricibi aprobacion di China su reguladornan di competencia, Microsoft ta sigui su lucha pa completa e adkision di 69 bion dollar di e creador di videogames Activision Blizzard.**

Un apelacion otorga diaran-son pa Microsoft na Competition Appeal Tribunal ta bisa cu e negacion di e adkision

ta contene “erornan fundamental,” segun un reportahe di Reuters. Microsoft lo presenta su argumentonan cu CAT, cual por tuma varios luna pa tuma un decision.

Microsoft a anuncia e plan prome den januari di aña 2022. Cera e trato aki lo nifica cu e creador di Xbox Microsoft lo bira un di e 3 publicadornan di videogameas mas grandi tras di e rival Sony.

Activision Blizzard ta un di e publicadornan y creadornan di wega mas grandi cu algun di e franquisianan grandi cu lo mehora grandemente e catalogo di Microsoft agregando weganan manera Call of Duty, Candy Crush y Overwatch.

Aunke Microsoft a gana algun bataya di adkision recientemente, te ainda tin mas obstaculo pa surpasa. Te ainda Microsoft mester



ricibi aprobacion di reguladornan na Merca. Federal Trade Commission a otorga un demanda den december pa desafia e adkision bisando

cu e trato lo permiti “Microsoft lo afecta competidornan cu su Xbox y su suscripcion cu ta creciendo rapidamente.”



## Clausura di Campeonato 2023 di Little League Softball

**Diadomingo 28 di Mei Little League Softball Aruba a clausura su Campeonato 2023 na veld di Savaneta. Un campeonato cu a bay masha bon danki na tur coach, sponsors, directiva di Veld di Savaneta, scorers, mayornan, umpires y directiva di LLSA.**

Un gradicimento na tur esnan cu a yuda tambe pa e torneo ta uno exitoso. A entrega premionan individual y premio di ekipo. Tabatin competencia di Speed Queen (coremento di home pa primera) y di e division di Mayors Q-Shanny Holliger a haya su medaya di campeon. Den division di Senior, Xionely Maduro a haya su medaya di campeon.

Tambe nos ta tin competencia di Running around the Horn (core di home pa home.) Aki den division di Mayors Khloe Fraser a haya su medaya di campeon y pa division di Seniors, Sharleynis Sparen a haya su medaya di campeon.

Tur esnan cu ta caba liga Senior a haya nan certificado di Excelencia. Nan ta: Derselyn Lampe, Andrea Quant, Brianna Cicilia, Leonie Johnson y Sharleynis Sparen.



E managers y coaches tur a ricibi nan certificado. Marina Haynes, Soraima Martina, Agnes de Graf, Andy Snijders y Christopher Blijden di Lady Panthers y Baby Panthers. Darlene Birsby, Natalie Sylvania, Norman Sylvania, Juan Carlos Wester di NBO Cougars y Little Cougars, Ivan Werleman, Wilfrido Kock y Zulaima Croes di Rockets.

Premionan individual di campeonato:

Best Batter den Mayors: Shiyah Mohamed di Baby Panthers.

Den Seniors: Andrea Quant di Cougars

Pitcher campeon den Mayors: Gilliandra Wathey di Baby Panthers y den Seniors: Alfonsina de Graf di Lady Panthers.

Cada ekipo a scoge e hungadora cu mas a progresa durante e campeonato aki: Den Baby Panthers: Sophia-Grace Blijden

Den Lady Panthers: Shaertee Busby

Pa Rockets Makaydee Cornelio

Pa Little Cougars Kylie Jeffers Mohamed y pa Cougars Xionely Maduro.

Tur a haya nan certificado di Excelencia.

Ekipo Campeon den division di Majors ta **BABY PANTHERS**. Nan coaches ta Marina Haynes y Andy Snijders. Sub-campeón ta **LITTLE COUGARS** cu nan coaches

Darlene Birsby, Natalie Sylvania y Juan Carlos Wester.

Campeon den Seniors ta **LADY PANTHERS** cu nan coaches Marina Haynes, Soraima Martina y Agnes de Graf y Andy Snijders.

Sub-Campeon ta **COUGARS** cu nan coaches Norman Sylvania y Darlene Birsby.

Na di tres lugar ta e ekipo di **ROCKETS** cu nan coaches Ivan Werleman, Wilfrido Kock y Zulaima Croes.

## Seccion hubenil di Aruba a keda na prome lugar den torneo di dam ABC

**Den fin di siman tras di lomba a tuma lugar e torneo di dam ABC na Corsou unda hungadornan di Aruba, Corsou y Bonaire a topa otro riba borch di dam.**

Aruba a wordo representa door di Team 1 cu Ricky Nisbet y Mario Jansen. Team 2 (Octavio Croes y Hector Winterdal).

Nos seccion hubenil a wordo representa door di Xyon Jacobs y Jaylee Krozendijk.

E 2 team di Corsou a bira campeon. Hunto nan a score 10 matchpoints (20 boardpoints).

Segundo lugar a keda Bonaire cu 9 matchpoints (17 boardpoints).

Aruba a termina cu 5 matchpoints (11 boardpoints).

Topscore di Aruba den seccion adulto a bira Hector Winterdal cu 4 boardpoints.

Topscore di e torneo a bira e hungador di Corsou, Mijail

Eisden cu 8 punto. E la gana tur su 4 partidan.

Den seccion hubenil Aruba a topa cu e 2 hungadornan di Corsou y 2 di Bonaire.

Aruba a gana tur su wegan y a termina na promer lugar. Pa saca e ganador individual, e 2 hungadornan di Aruba mester a hunga un wega contra otro.

Aki nan e mucha muher Jaylee Krozendijk a gana y a bira e campeon individual den e seccion hubenil.

Un logro grandi pa Aruba den e seccion hubenil.

E organisacion na Corsou a zorg pa hotel y cuminda pa su huespednan di Aruba y Bonaire.

Otro aña Aruba ta na beurt pa organisa e torneo di dam aki.

Un pabien pa e organisadonan na Corsou cu a haci un bon papel den e organisacion di e torneo aki.





Bista Politico ta un seccion di Bon Dia Aruba specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organisacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

## BISTA POLITICO

*Lider di AVP, mr. Mike Eman:*

### Raad van Advies ta hopi preocupa cu BBO na frontera!

Pa prome biaha un entidad autonomo y clave den e estructura institucional di nos pais manera ta Raad van Advies a haya su mes obliga di expresa cu gobierno cu su forma di procede ta haci su mes inconfiabel. E posicion remarcabel aki a bin como parti di e evaluacion cu ta compania e propuesta di ley fiscal pa introduccion di BBO na frontera, entrega diabierna ultimo na Parlamento. Hunto cune tin por lo menos 20 punto a traves di cual Raad van Advies ta analisa y adverti pakico dicho medida fiscal lo ta devastador pa e economia di nos isla y pa e poder di compra di su habitantenan. Mr. Mike Eman ta cita Raad van Advies cu ta muestra cu cada bes cambionan den leyman asina abrupto y sin

fase transitorio ta haci cu gobierno ta crea atrobe e impresion di ta inconfiabel: “hiermee wederom de indruk gewekt wordt dat er sprake is van een weinig betrouwbare overheid.”

Para dilanti di Parlamento, lider di fraccion di Partido di Pueblo Arubano (AVP), mr. Mike Eman a dirigi su mes na prensa local pa comunica cu el a haci un peticion na president mr. Edgar Vrolijk pa un reunion publico den forma di un Bijeenkomst pa scucha gremionan. Eman a enfatisa e cu caracter di urgencia di e peticion aki ya cu gobierno ta cla pa “bulldoze” e medida aki. Eman kier pa e representantenan di pueblo por scucha directamente for di gremio y otro actornan di sociedad, kico ta nan preocupacion pa cu introduccion di BBO na frontera, manera

a keda anuncia pa Gabinete Wever-Croes II lo drenta na vigor dia 1 di juli.

Segun Eman gobierno continuamente ta bin cu cambio sin cu e pueblo ta prepara, sin cu comercio ta prepara y nunca gobierno ta duna un fase transitorio, caminda comercio of pueblo por prepara su mes. Tur cos cu gobierno ta bin cune awe, ta impone mañan. Esey probablemente ta e base pa e punto di Raad van Advies.

E consejo ta bisa textualmente: “De Raad herhaalt zijn opmerking uit zijn advies inzake Deel I van het Bestuursplan 2023 dat hiermee wederom de indruk gewekt wordt dat er sprake is van een weinig betrouwbare overheid” of “Consejo ta ripiti su comentario di su consejo riba Seccion I di e Plan Fiscal 2023 cu esaki, un bes mas, ta

duna e impresion cu ta papia di un gobierno poco confiablel.”

Eman: “Nunca nos a yega di mira un consejo unda no unicamente RVA loke gobiernu ta propone na ley no ta bon of mester cambia, of ta bay tin efecto negativo, pero ta bay mas leu y ta duna un veredicto riba e gobiernu.” E ta bisa: “un gobiernu cu bo no por confia.”

E lider opositor ta convenci cu esaki ta un dictum hopi pisa di un Raad van Advies cu normalmente ta concentra riba e contenido y ta duna consejo pakico e ta mira cu esaki ta bay ta devastador pa economia, pa poder di compra y pa inflacion. Sin embargo a bay asina leu pa bisa cu aki ta trata di un gobiernu cu bo no por confia pasobra no ta informa, no ta duna participacion, no ta duna un fase

transitorio y ta impone, nos a yega na un punto unda instituto mayor di consejo na nos pais tampoco tin confiansa na e manera con gobiernu ta maneha e situacion di nos pais.

Por ultimo, Eman ta indica cu Aruba practicamente ta den un crisis constitucional caminda gremio ta wordo exclui. Aruba ta biba den conflicto continuo entre gobiernu y institutonan hopi importante manera ta esun di cuida pa grandi y awo un ley cu segun Raad van Advies ta bay implica caida di economia, recesion y no ta dunando ningun oportunidad na ciudadania pa expresa nan preocupacion y bin cu dialogo. “Gobierno ta sordo y mudo pa dolor di pueblo,” asina e lider di oposicion mr. Mike Eman a finalisa bisando.

*Parlamentario Raymond Kamperveen:*

### Mester por capta e inconsistencianan den Aruba su educacion mas prome

Ultimo lunanan e discusion pa loke ta trata ceremonial di John Wesley College a wordo monitor di cerca door di Parlamentario Kamperveen di fraccion Raiz. Dia 8 di mei Kamperveen a vocifera riba rednan social e preocupacionnan entre mayornan y studiantenan cu a wordo treci na su atencion. Como Parlamentario, nos deber ta pa representa e pueblo, supervisa e accionnan di gobiernu y garantiza transparencia.

Den cuadro di transparencia, dia 18 di april 2023 Kamperveen a dirigi un carta na Minister di Enseñansa y Deporte, Sr. Endy Croes unda a haci diferente preguntanan pa haya claridad pa pueblo di Aruba riba e asunto lamentabel di John Wesley College. Un di e reaccionnan ricibi ta pa si por sigui busca mas informacion ariba e asunto mas di cerca for di esnan envolvi y tambe for di esnan cu ta wordo afecta.

A reuni y a comunica cu varios personanan di contacto unda nan a bin ta splica cu e situacion di John Wesley College ya for di basta tempo tabata un preocupacion pa gerencia y trahadonan.

Den transcurso di reunionnan y buskeda di mas perspectiva ariba e caso, a ricibi contestacion di Minister di Enseñansa y Deporte. E mandatario ta informa cu gerencia y director di SPCOA a comunica cu John Wesley College su maestronan prome cu vakantie di Pasco grandi 2023 y despues di vakantie cu e mayornan, unda tabata tin dialogo habri y honesto ariba e situacion di John Wesley College. Nan a bin ta enfrente cu esaki durante e ultimo añanan caba y por bisa cu nan mester por a wak e decision di cera e scol lo bin. E mandatario a duna di compronde cu tur esnan envolvi ta compronde dicon mester cera John Wesley College. Tambe a splica cu e decision pa cera un scol mester wordo comproba door di un investigacion valido y confiablel, ora esaki a wordo haci a

informa inspectie, e minister encarga cu enseñansa y director di Directie Onderwijs.

John Wesley College shete aña pasa tabata scol pa 227 estudiante, e aña aki esaki ta solamente 62. Den e contestacion e mandatario ta menciona cu e gerencia di SPCOA actual no por papia pa e gerencia cu tabata dirigi prome cu nan, riba dicon of kico a wordo haci pa fortifica John Wesley College. Si por a bin di compronde cu un investigacion mester a wordo haci na 2021 pa saca afo ta dicon e scol ta ricibiendo menos estudiante tur aña. Ta compronde cu e investigacion aki no a wordo conduci door di comunicacion no concreto entre docente y e director di e scol e tempo ey. Pero basa di datos di estudiante per vak, ta yega na e conclusion cu no tin suficiente estudiante pa forma un klas completo segun ley di enseñansa. Menos mucha/estudiante ta conduci na mas ouderbijdrage cual ta haci e impagabel pa e mayor.

E ta un situacion lamenta-

bel unda e pregunta e ora ta bira, ta dicon no tin suficiente estudiante cu ta stroom door na e MAVO for di e basisschoolnan? Sin contesta riba e dicon, con ta bay yega na e solucion?

Educacion ta sirbi como pilar di progreso y prosperidad di cualkier pais, bo ta empodera un individuo, cultiva pensamiento critico y ta habri caminda pa un futuro mas briyante. Un poblacion cu ta bon educa ta e yabi pa laga un pais yega su maximo potencial y logra desaroyo sostenibel den tur aspecto di bida. Perdida di un scol secundario tin efecto hopi grandi riba e nivel di educacion di un Pais y ariba e futuro di un sociedad en general, specialmente un pais chikito manera Aruba.

Riba un nota mas positivo, Minister di Enseñansa a informa cu e docentenan nan interes ta protegi conforme ley, cual ta inclui nan salario y pensioen, y e proceso pa aloca docentenan tambe ta riba bon caminda cual ta duna nan

siguransa di trabou. Pa loke ta trata e studiantenan, dia 5 di mei SPCOA a haya un bista di e escogencia di scol nan for di mayornan, unda e estudiante lo por sigui su estudio. Esaki a wordo coordina riba un anochi informativo pa e mayornan unda directornan di otro scol tambe tabata presente pa provee mas informacion. Esaki ta sirbi como muestra di bon colaboracion entre e scolnan na San Nicolas y ta contento di tende esaki.

Pa conclui, e ceremonial di John Wesley College ta keda uno no desea, como cu ta kita un MAVO for di e distrito di San Nicolas. Parlamentario Kamperveen ta contento cu a ricibi contestacion riba su preguntanan y ta boga pa un investigacion mas profundo riba e cantidad di studiantenan cu ta stroom door for di nos basisschoolnan. Mester por capta e inconsistencianan den Aruba su educacion mas prome, unda basa riba proyeccion por percura pa un caso manera di John Wesley College no pasa mas.



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

# BISTA POLITICO

*Miembro independiente di Staten di Aruba, Mr. dr. Rygond Santos do Nascimento:*

## Con Benny a fix Leoncita Arends

**Aunke tabatin varios condena den caso Avestruz pa motibo di soborno, toch Ministerio Publico a dicidi pa apela algun sentencia den e caso di corrupcion. E pregunta ta si Ministerio Publico por tin un punto pa apela e sentencianan di Benny, Leoncita y Susebeek.**

E contesta riba e pregunta aki nos ta encontra den e echonan presenta durante tratamento di e caso di Avestruz. E echonan ta muestra claramente cu (e oficina) di Benny tabata intensamente involucra cu (cierto) peticion pa tereno comercial. Aunke Corte den Prome Instancia no a bisa nada al respecto, e sentencianan ta indica cu (oficina di) Benny a fix Leoncita tereno comercial.

Specialmente e file di Elenath ta describi con Leoncita a cumpra tur accion den e compania fantasma (of shell company) Elenath VBA pa

Afl. 10.000,-. Despues Leoncita a bira bende tur accion di Elenath na señora Lerma Rios pa e suma di Afl. 555.000,-. E realidad ta cu e aumento drastico den e balor di e accionnan no tabata posibel si Benny Sevinger, cu tabata minister di Infraestructura y Desaroyo Teritorial, no a duna Elenath un opcion riba un tereno comercial.

E sentencia ta contene e condena di Leoncita na un pena di 24 luna di prizon. Ademá, el a haya como condena un multa di 50 mil florin. Pero e sentencianan den caso Avestruz tambe ta duna un indicacion fuerte cu Benny a abusa di su poder y a fix Leoncita.

Un ehempel ta e echo cu un señor Van Heusden a presenta un peticion pa un tereno comercial cerca minister Benny Sevinger. Na mes momento Leoncita tambe a entrega un peticion pa e mesun tereno cu Van Heusden taba-

ta kier desaroya. Ta obvio cu for di momento cu Leoncita tambe tabata kier e tereno, no tabatin ningun chens mas cu Benny lo a duna Van Heusden e tereno.

Si e proceso di berdad tabata uno liber di interferencia di Benny, Abath director di DIP por a hiba un combersacion cu Van Heusden y despues cu Richardson, o sea e yiu muhe di Leoncita cu Leoncita a pone como directora di Elenath. Si Abath lo a papia cu ambos director ta mas cu obvio cu solamente Van Heusden lo a bin na remarca pa e tereno, como cu solamente Van Heusden tabatin un empresa cu realmente ta opera den e area di desaroyo di proyectonan. A cambio un combersacion cu Richardson lo a comproba inmediatamente cu Richardson no tabatin ningun proyecto y hasta cu Richardson no ta capaz di responde preguntanan concreto tocante kico exactamente su debenan ta

como director di Elenath. No lo a keda director di DIP nada otro cu yega na e conclusion cu Richardson no tabata apto pa ta director di un compania y cu e compania di Leoncita tabata un compania fantasma. Aunke e compania di Leoncita (Elenath) no tabata un compania serio y aunke Richardson no tabata sa nada di tareanan empresarial, toch Benny a dicidi pa duna e opcion riba e tereno comercial na Elenath en bes di na un empresario di berdad, manera Van Heusden. Esey ta un trato preferencial pa Leoncita. Esey ta un fix pa friends & family) den dia cla.

Documentonan di e caso tambe ta muestra cu Every, cu tabata chief of staff di Benny, tabatin contacto telefonico regularmente cu Leoncita durante e tratamento di e peticion pa e tereno. Every tabata papia repetidamente cu Benny tocante e peticion. Ademá, Leoncita mes tabata yama oficina di Benny



pa puntra encuanto su peticion. Es mas, Leoncita tabata bay frecuentemente oficina di Benny. Esey ta nifica cu Benny mester tabata bon na haltura di e peticion di Leoncita. Den mi opinion, e echonan presenta durante tratamento di e caso di corrupcion Avestruz ta muestra claramente cu (oficina di) Benny tabata intensamente involvi cu e peticion pa tereno comercial y cu, realmente Leoncita a haya un trato preferencial.

*Minister Dangui Oduber:*


## Turismo ta keda e driver principal di nos economia

**Despues di e 2 aña mas dificil di nos historia como pais, tawata mas cu necesario pa no solamente nos recupera nos turismo pero tambe purba surpasa nivelnan di aña 2019. E aña 2019 a wordo considera nos miho aña den turismo y ora a fiha nos strategia di recuperacion e meta tawata pa yega bek na e nivelnan y purba surpasa e resultadonan di aña 2019.**

Cu hopi orguyo por mira bek y conclui cu e decisionnan, accionnan y strategia cu a fiha pa nos recupera a duna resultado. Awe nos turismo ta bek, yegando y superando nivelnan di aña 2019. Nos turismo a kibra tur record estableci anteriormente y tur e indicadornan cu ta midi resultado di turismo ta confirma esaki.

### Situacion Aruba

E situacion na Aruba no ta esun di mas facil. Pais Aruba su debe ta grandi, e presion di Hulanda tambe ta grandisimo pa page bek e 916 miyon florin cu a fia durante e pandemia. Ta bon pa para keto un rato y refleha cu e 916 miyon aki a wordo fia pa yuda



comercio y yuda pais Aruba surpasa e pandemia. Companianan a wordo subsidia pa por cubri nan gastonan y naturalmente e debe crea mester wordo paga bek. No solamente e debe aki sino tambe e debe cu nos a hereda debi na mal gobernacion di gabinete Mike Eman creando un debe astonomico pa pais Aruba.

Comosifuera poco, mundo a wordo confronta cu un inflacion mundial caminda tur pais ta confrontando e mesun problema di inflacion. Merca su inflacion ta 8.3%, Hulanda su infla-

cion ta 10%, Inglatera su inflacion ta 10.1% y Colombia 12.8%. Esaki ta pa ilustra cu e inflacion cu tin na Aruba ta wordo causa tambe pa e inflacion mundial cu a asota mundo. Gobierno ta haciendo su parti pa purba maneha e situacion y trece alivio pero tin hopi reto. Ministerio di salud lo percura pa por importa carni for di Colombia cu por resulta den un reduccion di prijsnan di entre 15%-30% pa asina yuda e poder di compra di nos consumidornan.

### Turismo: e driver principal

E high season di aña 2023 ta esun di mas fuerte den nos historia, un record nobo estableci pa nos turismo. Durante e prome 4 luna Aruba a ricibi 415,648 turista "stayover" cu ta un recuperacion di 7.2% compara cu 2019. Den luna di januari y februari a recupera cu 105%, na luna di maart 102% y na april 116%.

E mercado Mericano ta keda esun mas importante pa Aruba y den luna di januari esaki a recupera cu 113%, na februari 108%, na maart 102% y na april 120%. E RevPAR ta indica e calidad di turista cu ta keda na hotel.

E averahe di e RevPAR di e prome 4 luna di 2023 ta \$324,48 mientras cu na 2019 esaki tabata \$295,72. Compara cu e RevPAR di 2022 por constata un crecimiento di 40.7%.

Tur otro indicador cu ta midi nos turismo a confirma e resultadonan hopi fuerte di nos turismo. E performance di hotelnan tambe tawata sumamente bon caminda a wordo demostra cu ta turistanan di calidad ta biniendo Aruba conforme e maneho dirigi riba turistanan afluente.

Turismo a demostra cu e ta keda e driver principal di nos economia. E crecimiento robusto di turismo a percura pa un crecimiento di nos economia cu na su turno ta percura pa creacion di cuponan di trabou y tambe entrada pa gobierno. Pais Aruba tin hopi reto cu nos mester atende cune pero danki na nos resultadonan positivo di turismo nos ta convenci cu nos lo sa di surpasa tur nos retonan como pais.

Aruba ta un pais resiliente y nos a demostra esaki.



## OM y CEA den accion pa cobra debe di boet

Ministerio Publico lo cuminsa desde dialuna 12 di juni 2023 cu activamente cobra boetnan cu ta habri ainda. Mescos cu den añanan anterior Ministerio Publico lo haya asistencia di funcionari- onan di CEA (Cuerpo Especial di Aruba).

Funcionarionan di CEA lo bishita hende cu tin debe di boet pa cobra esakinan. Si ora CEA yega cerca bo persona, anto bo persona no paga e boet of no pague completa- mente, anto CEA lo detene bo mes ora y hiba bo KIA pa sinta e castigo (vervangende hechtenis) cu Huez a duna bo persona ora el a sentencia bo



Ministerio Publico ta haci un apelacion urgente na hendenan cu debe boet, pa paga esakinan. Por paga online via cuenta bancario 4000905 di ArubaBank bao mencion di e parketnummer. Por tambe

swipe na balie di Ministerio Publico despues di haci cita via e website [www.omaruba.com](http://www.omaruba.com). No laga yega asina leu cu CEA ta hiba bo persona pa sinta castigo den cel.

## Santa Sacrificio di misa na Den Kapel di Cas Curason di Maria na San Nicolaas

Diasabra 3 di juni 2023, pa 7 or di mainta tin Santa Sacrificio di misa na Den Kapel di Cas Curason di Maria na San Nicolaas. (Blue Army Center) y na Kapel di Alto Vista. Prome cu Santo Misa ta resa Santo Rosario pa 6.15 "Misterio Gososo", despu- es ta sigi cu Salve Regina.

Ta invita e pueblo di Aru- ba, deboto y fielnan pa asisti na e Santa Rosa- rio prome cu Santo Misa. Cu Mama Maria entersede pa nos na nos Tata Celestial. Santo Rosario pa bienestar di henter comunidad di Aruba.

y den naturalesa. Bestianan ta worde mata pa hende y ve- hiculonan cu ta den nan hab- itad. Otro ta muri di spanto. Noticianan for di Ukrain ta di lamenta, spantoso pa mundo henter. Hesus tene piedad pa henter mundo.

Ban haci un curashi diasabra mainta trempa pa ofrece nos ora, nos oracion y asisti na Santa Misa y resa pa tur es- nan cu ta leu di nan Creador. Laga nos ta resa pa necesidad di Iglesia Universal, pa Papa Francisco, Obispo Luis Sec- co, tur sacerdote, diacono y laiconan cu ta hiba e bon noticia pa e pueblo di Dios.

Papa Francisco ta haci un suplica na mundo pa resa e Santo Rosario, nos ta den un tempo di crisis grandi unda tin gera y destruccion di can- dela di mondi y vulcanonan ta activo. E ser humano ta en- frenta hopi daño den nan cas

Pa nos Gobernantenan y tur cu ta carga responsabilidad pa nos pais Aruba. Pa tur nos enfermonan den exterior cu a bay busca nan salud. Cu pron- to nan regresa na Aruba y re- cobra y gosa di un bon salud.

## DWJZ cera pa un siman

E trabounan grandi na e edificio di Directie Wet- geving en Juridische Za- ken (DWJZ) na Schot- landstraat 53, cu mester a cuminsa dia 29 di juni, lo cuminsa awor, dialuna dia 5 di juni.

En conexion cu esaki, DWJZ lo ta cera pa publico pa un (1) siman entrante dialuna dia 5 di juni.


Balie tambe lo ta cera pa pu- blico durante e siman aki.

Pa casonan di urgencia di




















apostille y/of legalisacion por traha un cita pa: diahuebs 8 di juni of diabi- erna 9 di juni di 8 pa 11 or di mainta via e-mail [adeline.oliveira@dwjz.gov.aw](mailto:adeline.oliveira@dwjz.gov.aw).


Segun calculacion die e du- racion di e trabou, DWJZ ta programa pa reanuda su servicicionan segun su orario normal entrante dialuna 12 di juni 2023.

DWJZ ta yama un y tur danki p'e comprension.

Resultado Sorteo 30 mei, 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
6768	1606	2655	5635
2242	2089	SUPER5	7824
6788	5548	03262	6201

MERDIA	ANOCHI		
--------	--------	--	--

			
Sorteo # 3926	Sorteo # 7952	Sorteo #	Joker Letter
5669	6459	0 x Jackpot	Proximo Jackpot
7982	8740	0 x Match 4+	150.000,-
9241	8287	0 x match 4	
		0 x Afl. 12,00	
FP	X2		
			08-16-17-24-30
Sorteo # 3925	Sorteo # 6996	Sorteo # 6132	Proximo Jackpot
7600	4868	0 x Jackpot	52.000,-
		6 x Match 4	
Sorteo # 1982	Sorteo # 1701	139 x Afl 8,00	
0620	8551		
			02-04-20-24
Sorteo # 3926	Sorteo # 5755	Sorteo # 1563	Mega Ball: 09
3445	2758	0 x Jackpot	Proximo Jackpot
Scorpio	Aries	1 x match 4	260.000,-
		8 x Afl. 500,00	
Sorteo # 800	Sorteo # 685	48 x Afl 50,00	
389	977	57 x Afl.15,00	
			Afl. 360.000,-
FP	X3		
		Sorteo #	


--

### King Classic Sudoku

						8	1	4
	7		1		8			
		4		3		7		
9		1			4			
7	4	6	8				3	1
3				7				
6		7				3	2	8
1	3	2	5					
		8	6	2	3	1	5	7

Difficulty: ★★★

5/31



# Clasificado

**ECONOMICO** [aviso@bondia.com](mailto:aviso@bondia.com)

**Personal GRATIS max. 20 palabra**  
 PASA LAGA BO AVISO NA OFICINA DI BON DIA  
 ARUBA WESTSTRAAT#22 FOR DI 9:00AM-4:00PM  
 Email nos na [classified@csprnv.com](mailto:classified@csprnv.com)

**SERVICIO PUBLICO**  
**Limpieza pa cas y auto**  
 Pressure wash cura di cas  
 Laba muebles  
 Laba tapijt  
 Laba sienta di auto  
 Laba vloer  
**Tel. 593 9464**

**TA BENDE**  
 Chopper FI.25.00  
 3 Channel Intercom nobo FI.25  
 Telephone (no Setar) FI.25  
 Screenprotectflm Snsung  
 Gal Tap 2  
 Antglare (3pck) FI.5.00  
**Tel. 582 3023 / 593 8120**

**SERVICIO PUBLICO**  
 Construction  
 remodelacion di cas, traha cas,  
 apartment, traha y drecha dak,  
 electricidad, verf pega mosaico,  
 traha cura, plomeria. Bon prijs  
**Tel. 593 3141**

**SERVICIO PUBLICO**  
 Buscando auto pa huur y na bon  
 prijs? yama nos  
**Tel. 593 9953/ 593 8453**

**TA BENDE**  
 BBQ Grill tipo cilinder  
 "criyoyo" duradero  
 Prijs Afl.250  
**Tel. 569 7787**

**SERVICIO PUBLICO**  
 Sushi den cura pa solamente  
 50,- pa buelta, nos ta lante lague  
 limpi mane un soño.  
 Arubiano trahado  
**Call 592 5766**

**Sushi den cura?**  
 Ta piki sushi cu pick-up  
 grandi pa Afl 75,= pa buelta.  
 Yama nos na  
**561 4297 of 561 5179**  
 Hasi Aruba Limpi.

**SERVICIO PUBLICO**  
 Nos ta chapi, corta y planta  
 mata, brinda tur servicio cu bo  
 cura mester. Tira sushi afo, tur  
 esaki na un super bon prijs  
**Tel. 738 1908**

**SERVICIO PUBLICO**  
 Pa tur trabou di tapiceria di  
 mueble, auto, yate y barco.  
 Nos ta haci trabou di cabana y  
 bambu y nos ta verf  
**Tel : 569 7539 / 737 3993**

**AUTO Y HERO BIEU**  
 Nos ta piki auto, airco y bateria  
 bieu pornada. Frigidaire, stoof,  
 wasmachin, tv ta 10,=.  
**Yama 561 4597 / 561 5179**  
 Arubiano Balente

**TA BENDE**  
 Combo di regalo pa  
 tur ocasion:  
 Mugs, kerki di biña, tablashi cu  
 leyenda  
 Pa mas informacion  
**Cell whatsapp 567 2907**

**TA HUUR**  
 Se alquila habitacion con todo  
 incluido  
 Brikstraat na Playa  
**Tel.564 1979**

**SERVICIO PUBLICO**  
 Sra. ta haci cas y negoshi limpi  
 tambe por cuida baby y hende  
 grandi part time y full time  
**Tel. 740 7573**

**SERVICIO PUBLICO**  
 Ta haci tur trabou di  
 construccion y carpinteria y tur  
 cos cu ta furamento di stul di  
 bambu, cabana y toldos  
**Tel : 746 0518 / 569 7539**

**SERVICIO**  
 Unified One Events  
 Photos , films, wedding  
**Tel. 749 2533**

**SERVICIO PUBLICO**  
 Ta traha y renoba Cas  
 ta traha y drecha dak, ta basha  
 vloer, pleister, verf cas, traha  
 cura, pega mosaico y azulejo-  
**Tel.563 4168**

**SERVICIO PUBLICO**  
 Nos ta haci trabou di  
 plomeria, electricidad,  
 hardineria incluye hiba sushi  
 Handy man.  
**Tel.742 6250**

**SERVICIO PUBLICO**  
 Mi ta chapi, lanta sushi, corta  
 mata, transporta frigidaire, was-  
 machine biew, drecha cas, etc.  
**Tel. 564 1979**

**SERVICIO PUBLICO**  
 Pa haci trabow di verf y chapi,  
 tur mantencion di pafor di cas  
 Yama y puntra pa Benito na  
**Tel.630 5185**

**TA BUSCA**  
 trabou pa haci cas limpi,  
 negoshi of oficina  
**Tel.561 3910**

**SERVICIO PUBLICO**  
 Handyman  
 Pa trabouw di verfmento  
 plumbing tuberia, chapi,  
 limpieza di cura, drecha mata  
**Tel : 567 1108**

**SERVICIO PUBLICO**  
 Mi ta ofrece servicio pa haci  
 reparacion di porta, ventana y  
 hopi mas. Arubiano Balente  
 Pa mas informacion por yama  
**Tel. 563 6762**

**TA BUSCA**  
 Carlitos Sport Beach Bar  
 Ta Busca  
 Cook Helper, Barista, Bar Back  
 Por yama na  
**Tel. 586 4640 / 592 2065**

**FOR RENT**  
 Bunita cas na Gold Coast  
 3 camber 2 1/2 baño, sala,  
 comedor, cucina y patio. Pa  
 mas informashon por  
 whatsapp  
**+58 414 614 7440**

**SERVICIO PUBLICO**  
 Pa trabou di data-entry of  
 update di bo administracion pls  
 contact:  
**Tel.5682339**

**SERVICIO PUBLICO**  
 Mi ta ofrece servicio di  
 electricista en general corto  
 circuito y mantencion  
**Tel.566 5026**

**TA HUUR**  
 Un camber cu tur cos inclui na  
 Brikstraat 1  
**Tel.564 1979**

**SERVICIO PUBLICO**  
 Masaje relajante, sports ma-  
 sages, aroma terapia, piedras  
 calientes, reflexologia, faciales  
 Sabana Basora # 157 P.Ch.  
**Tel. 561 8520**

**SERVICIO PUBLICO**  
 Mi ta ofrece pa cuida di mucha  
 di dialuna pa diabierna y  
 weekend. Pa informacion  
**Tel. 558 7310**

**SERVIO PUBLICO**  
 Ta ofrece pa verf y chapi cura  
 bon prijs. Nos ta hiba e sushi.  
 Yama pa mas informacion na  
**563 4828 / 5679610**

**SERVICIO PUBLICO**  
 Hacemos todo tipo de construc-  
 cion, reparacion de casas, pin-  
 tura, acabados finos, jardines,  
 patios, techos a buenos precios  
**Tel. 569 7539 / 746 0518**



**Cas Di Cultura**  
 Vondellaan 2 Aruba  
 297-582-1010  
**F A D A**  
 Campanastraat 5 Aruba  
 297-583-2999  
 297-583-9610  
**F A V I**  
 Primavera 233 Aruba  
 297-582-5051  
 297-582-5222

**F E P O**  
 Engelandstraat 15 Aruba  
 297-583-1016  
 297-583-6607

**Fundacion Contra**  
**Violencia Relacional**  
 Tel: 583-5400

**Fundacion Autismo**  
**Aruba**  
 Irenestraat 21 Aruba  
 297-588-1179

**Fundacion Pa Nos**  
**Muchanan**  
 Cumana 2 Aruba  
 297-583-4247

**Fundacion Tel Pa**  
**Hubentud**  
 Wilhelminastraat 19  
 Aruba  
 297-588-6138  
**Koningin Wilhelmina**  
**Fonds**  
 Spinozastraat 9 Aruba  
 297-582-0412

**Mary Joan Foundation**  
 Sabana Blanco 8 Aruba  
 297-588-9999  
**Rode Kruis Aruba**  
 Pedro Gallegostraat 14  
 Tel.297-582-2219  
 Fax 588-3376

**Famia Planea (SBVO)**  
 Avenida Milio J Croes 17  
 B Aruba  
 297-588-9591  
[www.famiaplanea.org](http://www.famiaplanea.org)  
[famiaplanea@hotmail.com](mailto:famiaplanea@hotmail.com)

**Stichting Fundacion**  
**Guia Mi**  
 George Madurostraat 34  
 297-582-0088

**Y M C A**  
 Calbasstraat 1 Aruba  
 297-582-3072

**AL-ANON group**  
 Sabana Liber #8, Noord  
 (close to the hotels)  
 Tel: 736-2952 or  
 593-7081

**Dokter na warda**  
**Oranjestad** **San Nicolas**  
**Hospital** **Imsan**  
 7:00 pm / 10:00 pm **24 ora**

**Botica na warda**  
**Oranjestad:** **San Nicolas:**  
 Eagle Centro Medico-  
 Tel. 587 9011 Tel. 584 5494

**EMERGENCIA** **911**

POLIS	
Oranjestad	100
San Nicolas	104
Santa Cruz	105
Noord	107
Tip Line	
11141	
Brandweer	115
Ambulance	911
Hospital	527-
4000	
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA	
Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD	
Setar	117
Web	525-4600
Elmar	523-7147

FUNERARIA	
Aurora	588-6699
Royal Funeral H.	586-4444

## Servicio di Taxi

**Aruba Transfer Tour & Taxi C.A.**  
 Tel: 582 2116 / 582 2010

**Taxi Adres Services (24h)**  
 Tel. 587 5900

**A1 Taxi Services Aruba**  
 Tel: 587-8850  
 Tel: 280-2828  
 Whatsapp: 592-7024



# Aurora

## Royal Pray

### Funeral Home & Crematory

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur bunita.  
Cado Wever.



Cu inmenso tristeza nos ta participa fayecimiento di nos tata, welo, bisawelo, ruman, y omo stima

### Eleusipio Bibiano Croes

"Loy of Eloy"

\*17-1-1942 - †28-5-2023

Na number di su yiunan:

† Vilma Croes  
Sandra y Rosini Ras (Urbino)  
Humphrey Croes  
Marion y Rofelix (Rofi) Vargas

Nieto y nietanan cu ta su preti wowonan:

Armand Figaroa y Luisenne  
Joshua Figaroa y Lady  
Gislane Ras  
Stacey Ras y Ricky  
Rosini Ras  
Sharisma Croes y Edward  
Estephany Croes y Marcolino (Marco)  
Nayeli Croes y Milagro  
Maurits Croes y Wilmary  
Marc Zara  
Mihaila van der Linde

Bisanieta y bisanietonan:

Lou-Ella, Lya-Luna, Ashton, Leiny, Ileina, Kayl'n, Dylan,  
Dyon, Devin  
Stima como yui: Shandrey Kock  
Amigo(a) mas jega di cas: Joyce Dijkhoff, Jacqueline Caster,  
Rodney v/d Linde

Mama di su yiunan: †Aurora Croes

Rumannan:

† Arturo (Tuyo) Croes y Theresita Kelly Croes  
†Aida Erasmus-Croes y †Benito Erasmus  
†Dora Croes y †Angel Croes  
Elsa Croes y †Chido Croes

Subrina y subrinonan:

Mildred y Arcadio Figaroa y famia  
Ligia Croes y famia  
Suzie Croes y famia  
Aletta van der Horn y famia  
Yvonne y Edwin Tromp  
Henky y Mayra Croes y famia  
Sonny y Ivis Croes y famia  
Aureen y Roly Werleman y famia  
Wimpy y Marlene Croes y famia  
Miriam y Giovanni Alders y famia  
Alex y Angela Croes y famia  
Ivette y Monty Croes y famia  
Susette Croes y Mirouska y famia  
Elton Croes y Richeline

Sua y Cunanan, tur su ihanan, primo y primanan, amigo y amiganan, conocirnan di cas y demas famia  
Croes, Ras, Vargas, Figaroa, Zara, Van der Linde, Carvajal,  
Erasmus, Kelly, Nava, Caster, Koolman, de Cuba, Jansen,  
Van der Biezen.

Diahuebs 1 di Juni 2023 nos tata lo ta responsa na Aurora Funeral Home for di 9'or pa 11'or di mainta y despues lo Sali bai pa santana Catolico na Paradera.

Condolencia lo tuma lugar Diaranson, 31 di May 2023 di 7-9 pm na Aurora Funeral Home.

Lo bay tin 3 Santo Sacrificio di Misa pa nos defunto stima dia: Diabierna 2 di juni, Diasabra 3 di juni pa 7'or di anochi y Diadomingo 4 di juni pa 5:30 di atardi na Misa Santa Filomena na Paradera.

Diadomingo despues di misa lo tin un oracion na cas Paradera 162 B

# Aurora

## Royal Pray

### Funeral Home & Crematory

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur bunita.  
Cado Wever.

Cu dolor na nos curason, nos ta participa fayecimiento di nos ser stima:



### Sra. Violeta F. Laclé-Lampe

Cariñosamente yama "Leta of Tanta Leta"  
Ex propietaria di Violeta's Flowershop y Hardin  
Disneylandia  
\*02-05-1942 - †25-05-2023

Na number di su:

Querido esposo: Porfirio "Fichi" Laclé

Yiunan: Thessalie Laclé

Militza y George Rudy Laclé  
†Michelangelo Laclé

Nieto(a)nan: Savannah, Sean, Paris, Milanah

Rumannan:

†Estelita y †Nelson Ruiz-Lampe y famia  
†Meinhard y †Filomena Lampe-Croes y famia  
†Teresita y Dun Scharbaay-Lampe y famia  
†Carmen y Kay Luydens-Lampe y famia  
†Simon Lampe y famia

Manera ruman: Haydee Nadal y famia

Tur su ihanan

Cuñia y swanan: Otilio Laclé y famia  
Philomena Dijkhoff-Laclé y famia  
Frida Werleman- Laclé y famia  
Rafael Laclé y famia  
Yolanda Laclé y famia  
Elviro Laclé y famia  
†Robertico Laclé

Ludwina Drumm-Laclé y famia  
†Glenda Cornelie Laclé y famia  
Miranda Kock-Laclé y famia

Tur su primo(a)nan, sobrino(a)nan, bisñanan, amigo(a)nan di Bowling Tennis y Carnaval.

Demas famia: Laclé, Lampe, Tromp, Ruiz, Scharbaay, Luydens, Osorio, Zambrano, Hein, Moreno, van der Linden, Geerman, Theysen, Nadal, Kock, Croes, Franken, Maduro, Henriquez, Thiel, Landman, de Mey, Johannes, Isenia, Alvarez y Margaretha

Ta invita pa acto di despedida di nos defunto stima cual lo tuma lugar Diabierna 02 di juni 2023 di 9 am -11 am na Aurora Funeral Home. Cremashon lo tuma lugar den seno familiar.

Nos ta lamenta cu después di ceremonia di despedida nos no por ricibi bishita di condolencia na cas.

Nos ta pidi nos disculpa pa den e momento nan di tristesa aki si nos por a lubida di menciona algun famia.

# Aurora

## Royal Pray

### Funeral Home & Crematory

"Señor ta mi wardador, mi'n tin falta di nada.  
Den cunucu di yerba berde e ta ponemi sosega.  
E ta hibami na awa trankil, pa mi bolbe haña forsa".  
Salmo: 23



Ta participa fayecimiento di:

### Isidoro Marcelino Quandt

Cariñosamente yama "Hory"

\*02-January 1956 - † 25 Mei 2023

Na number di su:

Mayornan:

†Bartolo Quandt – †Nora Isabel Quandt-Alvarez

Yiunan:

Jeannith Quandt y yiunan  
Jacqueline Quandt  
Zolema Quandt y Julio Barrera y yiunan  
Gaiza Quandt y Anthony y yiu  
Virmary Quandt y Robert Nijpjes  
Junette Quandt y Darrol Wernet  
Gerry Quandt y Rosemarie y yiu  
Junan Quandt y yiunan  
Renzo Quandt y Damian Dresens  
Angerina Tromp y yiunan

Rumannan:

Roberto Hoek y Efrina y yiunan  
† Pedro Clavier y yiunan  
† Luis Rufino Quandt y yiunan  
Efrain y Sonia Quandt y yiunan  
†Basilio Quandt y yiunan  
Orlando Quandt y Jeanine Zijlstra y yiunan  
Silvio Quandt y yiunan  
†Pablo Quandt y yiu  
Carlos Quandt y Yolanda Henriquez y yiunan

Nieto y nietanan: Vianella, Nasha, Vizianni, Shenna, Zyren, Zoë, Sapphire, Sophia, Xerxes, Roan, Richelienne, Julienne, Jahirune, Lizayra, Joa, Rihanny, Neymar, Eduardo, Aliaha

Bisanietonan: Elisabeth, Alisha, Denver, Xiqiënné

Mama di su yiunan: Maria Genoveva Petrochi

Christina "Poppy" Kelkboom

†Jeannette Arends

Johanny Concepcion

Maria Suero

Primo y primanan, sobrino y sobrinanan

Bon primonan: Yoyo y Miladis

Tanta: Alicia GFigeroa Herrera (Colombia)

Demas famia na Colombia, Hulanda, Venezuela y USA

Demas famia: Quandt, Alvarez, Hoek, Ridderstap, Croes, Nijpes, Tromp, Peterson, Aregoces, Zijlstra, Henriquez, Carty, Palm, Kemp, Franken, Clarisa, Correa, Romero, Figaroa, de Cuba, Smolders, Lopez, Reyes, Sierra, Suero, Orman, Giel, Rodriguez, Concepcion, Boye, Zievinger, Ranes, Ras, Drisi, Rincones, Leon, Mateo, Kelkboom, Peña Lara, Lampe

Acto di entierro lo tuma lugar diabierna 02 juni 2023 di 8'or di mainta pa 3:00 di atardi na cas Avenida Alo Tromp 26, despues lo sali pa bai Misa San Francisco di Asis Pro-Cathedral pa un respons y lo Sali bai pa santana central na Sabana Basora.

Condolencia lo tuma lugar Diahuebs 01 di juni 2023 di 7-9 pm na cas Avenida Alo Tromp 26

Nos kier a pidi nos disculpa si nos por a lubida un of otro famia den nos tristesa.



# Aurora

## Royal Pray

Funeral Home & Crematory

“Mi kier alaba Bo Señor di henter mi curazon”.  
Salmo 9:1

Conforme cu boluntad di Dios y agradecido pa tur locual e la hasi y significa pa nos a bay drumi den paz di Señor, nos mama, wela, bisawela y tanta



**Sra. Vda. Jesusita Franken-Luydens**  
Cariñosamente yama: “Mama”, “Mama Chita”,  
“Chuchi”, “Pepe Chita”, “Susita”  
\*24-12-1930 - †28-05-2023  
Viuda di: †Sr. Asinto “Chin” Franken

Na number di su  
Yiunan:  
June y Albertico Tromp  
Hubert Franken y Swinda Thiel  
Sra Viuda Trixi Esteba  
Frederick “Rudy” Franken  
Marjorie y Tony Maduro  
Angelín y Sidney Dirksz  
Melicent y Cecil “Juni” Tromp

Yiu di criansa:  
Robertico “Marion” Maduro y Susana Wit de  
Mescos cu yiu:  
Sandro Farro  
Gregory Milton

Nieto y Nietanan:  
Nadine Tromp y Ansley Koolman y yiunan  
Jerrold Tromp y yiunan  
Thisia y Eric Sayers y yiunan  
Hyliane Franken  
Jeannil Esteba y Joally Briesen y yiunan  
Nilson Esteba y Rho-Jeanne Bergen y yiunan  
Isha Franken y yiunan  
Asinto B. Franken  
R.J. Franken †  
Aldrin Maduro y Roslin Croes y yiu  
Vanessa Maduro  
Dianne Maduro y yiunan  
Cédric y Catalina Dirksz  
Ansey Dirksz  
Cyrielle Tromp y Gregory Boekhoudt  
Ilian Maduro  
Celine Maduro

Acompañante: Regina Luydens

Rumanan:  
†Hose Luydens  
†Chico Luydens  
†Chichi Gomez  
†Laura Gomez

Subrino y Subrinanan, comer y compernan, Ihanan.

Demas Famia: Franken, Luydens, Tromp, Esteba,  
Maduro, Dirksz, Thiel, Wit de, Farro, Gomez,  
Eckmeyer, Giel, Bermudez, Jeand’or, Frans,  
Sanchez-Alvarado na Venezuela.

Ta invita tur famia, amigo, bisña y conocir pa asisti  
na acto di entierro cual lo tuma lugar dialuna 5 di juni  
2023 di 2:00 pa 4:00 pm na misa Santa Anna, despues  
saliendo pa Santana catolico na Noord.

Nos ta lamenta cu prome y despues di entierro no por  
ricibi bishita di condolencia na cas.

# Aurora

## Royal Pray

Funeral Home & Crematory

Lagrima y flornan por seca, su recuerdonan  
y tur loke el a haci y significa pa nos, lo  
keda graba pa semper den nos mente y  
curason.

“Cerca Dios mi alma ta na paz, ta di DJ’E  
mi salvacion ta bin”  
Salmo 62:1

Cu inmenso dolor na nos curason, nos ta  
participa fayecimento inespera di nos ser  
stima:



**Kevin Ruben Tromp**  
\*12-08-2005 - †28-05-2023

Acto di entierro lo wordo anuncia despues

# Aurora

## Royal Pray

Funeral Home & Crematory

“Señor ta mi wardador, mi’n tin falta di nada  
Den cunucu di yerba berde e ta ponemi  
sosega.

E ta hibami na awa trankil,  
Pa mi bolbe haña forsa”.

Salmo: 23

Nos ta anuncia fayecimento di:



**David Emanuel Boekhoudt**  
\*01-05-1953 - †28-05-2023

Acto di entierro lo wordo anuncia despues.

# Mester duna libertad condicional na siguido di Manson, Leslie van Houten



**(AP) — Un corte di apelacion na Califor-**  
**nia a bisa ayera cu mester duna libertad**  
**condicional na Leslie van Houten, kende a**  
**participa den dos asesinato bao direccion**  
**di lider di culto Charles Manson na 1969.**

E veredicto di e corte di apelacion ta reverti un  
decision anterior di gobernador Gavin New-  
som, kende a rechasa libertad condicional pa Van  
Houten na 2020. El a keda recomenda pa libertad  
condicional cinco biaha desde 2016. Tur e reco-  
mendacionnan aki a keda rechasa pa sea Newsom  
of ex-gobernador di California, Jerry Brown.

Procurador General di California, Rob Bon-  
ta por pidi Corte Supremo di California  
pa stop su liberacion, Ni su oficina ni esun  
di Newsom a responde inmediatamente  
na solicitud pa comentario si nan lo hacie.

Van Houten, awo den su 70 aña di edad, ta cum-  
pliando un sentencia di bida largo pa a yuda Man-  
son y otro siguidonan mata Leno LaBianca, un co-  
merciante na Los Angeles, y su esposa Rosemary.  
Van Houten tabatin 19 aña di edad e tempo ey.

Newsom a bisa cu Van Houten ta keda pre-  
senta un peliger pa sociedad. Rechasando su  
libertad condicional, el a bis cu el a unda un  
splicacion inconsistente y inadecua pa su rela-  
cion cu Manson tempo di e asesinatonan.

E Corte di Apelacion di Segundo Distrito na Los  
Angeles a vota 2-1 pa reverti decision di New-  
som, skirbiendo cu “no tin evidencia pa sostene  
e conclusionnan di e gobernador” tocante e ap-  
titud di Van Houten pa libertad condicional.  
E huesnan a haya problema cu e declaracion di  
Newsom cu Van Houten no a splica adecuada-  
mente con el a cay bao influencia di Manson.  
Durante su audiencianan pa libertad condicio-  
nal, Van Houten a discuti ampliamente con e  
divorcio di su mayornan, su abuso di alcohol  
y droga, y un aborto ilegal forsa a mand’e riba  
un caminda cu a lag’e vulnerable pa Manson.

Tambe nan ta argumenta contra e sugerencia di  
Newsom cu su actonan violento den pasadotacausa  
pa preocupacion den futuro si e keda den libertad.

E hues cu a vota contra a argumenta cu tin evi-  
dencia cu Van Houten falta consenshi di e asesina-  
tonan horrible y tabata di acuerdo cu Van Newsom  
cu mester rechasa su peticion pa keda den libertad.



## Ehército Israeli ta bisa cu Palestinonan arma a mata civil Israeli na West Bank

(AP) — Palestinonan arma a tira mata un homber Israeli ayera cerca di entrada na un asentamento Hudiu na West Bank, segun ehército Israeli.

Ehército Israeli a bisa cu a tira e homber cerca di e asentamento di Hermesh, den nort di West Bank. Oficialnan local a identifica e homber como Meir Tamari, un residente di 32 años.

Prome minister Israeli, Benjamin Netanyahu a manda condolencia na e familia y a bisa cu forsan ta tras di



e asesinonan “pa asina resolve cuenta cu nan.” Dimiter Tzantchev, embahador di Union Europeo na Israel,

a condena e atake yamando e un “acto di violencia brutal y cobarde.”

E incidente a yega un dia despues cu ocupadornan Hudiu a lanta un seminario religioso den un punto cercano y tabata e movida mas recien den mas di un año di aumento di violencia cu a sacudi West Bank. Durante e tempo aki, Israel a expande su accionnan militar casi tur anochi den e area como respuesta na un aumento den atakenan di Palestina.

E bringamento a aumenta desde cu gobierno nobo di ultra-derecha a asumi su cargo na Israel fin di december. A mata al menos 117 Palestino den West Bank y Jerusalem oriental e año aki, cu casi mita di nan siendo miembro di gruponan arma militante, segun un conteo di Associated Press. Pero hobennan tirando piedra y hende no involucra den e violencia tambe a perde nan bida. Ehército Israeli a bisa cu e cantidad di militante Palestino cu a mata ta hopi mas.

## Gobierno Britanico ta bringa demanda pa entrega mensahenan di Boris Johnson na investigacion di Covid-19

(AP) — Como prome minister Britanico, Boris Johnson a establece un investigacion independiente publico riba e maneho di su gobierno pa pandemia di Covid-19. Awo e investigacion kier mira, completamente, kico Johnson a skirbi na otro oficialnan di Reino Uni mientras e brote tabata peak – pero gobierno ta bringando un demanda pa entrega e material.

Presidente di e investigacion, Heather Hallett, un hues retira, a pidi gobierno Conservador, awo lidera pa prome minister Rishi Sunak, pa

produci copianan completo di mensahenan di WhatsApp y schrift di Johnson, despues cu inicialmente a ricibi versionnan redacta.

Oficialnan di gobierno a bisa cu nan a elimina solamente material cu tabata “sin duda irrelevante” na e investigacion, pero Hallett kier dicidi esey. El a bisa cu “henter e contenido di e documentonan specifica ta di potencial relevancia na e liñanan di investigacion cu nos ta siguiendo.”

Hallett – kende tin poder pa exige evidencia y interroga testigo huramenta – a pone un fecha limite di 4pm ayera pa



gobierno entrega e documentonan, cubriendo un periodo di dos años desde 2020.

Pero algun ora despues di e limite, gobierno a pidi mas

tempo, bisando cu no tin mensahe di WhatsApp ni schrift di Johnson. Hallett a rechasa un solicitud pa move e limite pa dialuna, pero a bay

di acuerdo pa extende esaki cu 48 ora, te diahuebs.

E investigacion a bisa cu si no por produci e mensahe di WhatsApp y e schriftnan, gobierno mester duna declaracion di testigo di oficialnan senior delineando ki esfuerso a haci pa haya nan.

Sunak a bisa cu gobierno ya a entrega diesmiles di documento na e investigacion y cu tabata “considerando e siguiente stapnan cuidadosamente.” Gobierno ta preocupa pa e precedente cu lo por pone si revela henter e comersacionnan di Johnson sin redacta.

## NATO ta manda 700 trupa mas na Kosovo pa yuda calma protesta violento

(AP) — NATO ta bay manda 700 trupa mas nort di Kosovo pa yuda calma protesta violento despues cu enfrentamentonan cu Serbionan etnico eyan a laga 30 soldad herida, e aliansa a anuncia ayera.

E violencia mas recien na e region a crea miedo di un reanudacion di e conflicto di 1998-99 na Kosovo cu a cobra mas di dies mil bida, a laga mas di un miyon persona sin hogar, y a resulta den un mision di paz di NATO cu a dura casi un cuarta parti di un siglo.

E enfrentamentonan a aumenta for di un confrontacion cu a desaroya siman pasa despues cu oficialnan di etnicidad Albano eligi den vota-



cion abrumantemente boicotia pa Serbionan a dreña edificacionan municipal pa asumi nan cargo. Ora e Serbionan a blokea nan, polis di Kosovo a tira gas lagrimogeno pa dispersa e multitud. ww Mas violencia a sigui dialuna

ora cu Serbionan a enfrenta cu polis y personal di paz di NATO.

Secretario-General di NATO, Jens Stoltenberg a bisa cu un batayon adicional di reserva lo ta cla den caso cu mester trupanen adicional.

E mision di paz lidera pa NATO na e region ta conoci como KFOR y actualmente ta consisti di cas 3,800 trupa.

Como respuesta na e confrontamento siman pasa, Ser-

bia a pone ehército di e pais den e estado mas halto di alerta y a manda mas trupa na e frontera cu Kosovo. E Serbionan a protesta atrobe dialuna, insistiendo cu tanto e alcaldenan Albano como polis di Kosovo mester bandona e region nort.

E conflicto na Kosovo a explota na 1998 tempo cu separatistanan di etnicidad Albano a rebeldia contra gobierno di Serbia, y Serbia a responde cu un accion brutal. Como 13mil persona, mayoria di etnicidad Albano, a muri. E intervencion militar di NATO na 1999 eventualmente a forsa Serbia pa sali di e teritorio y a habri caminda pa establecimiento di e mision di paz KFOR.